



60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

C 40-4614

了翁上座請大藏及百家書置之武州紫雲山
我微笑著先眉府中永為學徒不敢許出院內
當山二世鐵牛機謹誌



B 64853

大佛頂如來密因修證了義諸菩薩萬行首楞嚴經

卷第六

師子林沙門惟則會解 天台山沙門傅燈圓通疏

觀耳根悟道之初敘吾緣起四初值佛重教

○爾時觀世音菩薩卽從座起頂禮佛足而白佛言
世尊憶念我昔無數恒河沙劫於時有佛出現於世
名觀世音我於彼佛發菩提心彼佛教我從聞思修

撰述

卷第廿五

卷之二十一

入三摩地

溫陵曰觀音者觀世言音圓悟圓應之號也。於音言觀者以觀智照之。不以耳識聞之也。所師之佛亦名觀音者。因果相符古今一道也。達耳之謂聞著心之謂思。治習之謂修。三者圓明是名三慧。孤山曰此與法華有殊。彼云一心稱名菩薩卽時觀。

其音聲皆得解脫。則音在他機也。此云由我觀聽十方圓明。故觀音名徧十方界。則音屬自行也。應知因中自行果上化他。一義必備。兩經所說各舉一邊耳。吳興曰。準下文云。由我不自觀音。以觀觀者。令彼十方苦惱衆生。觀其音聲卽得解脫。此亦同於法華釋名之意也。但彼爲流通本經。故偏對

他機。今爲伸叙。昔證故正約自行。教卽世音聞。卽耳根皆所觀之境也。思修皆能觀之觀也。然則觀由境入境實徧通。而特取音聞者。乃逗機之要也。

長水釋要云。若約次序。此門應次那律。今最後說者。凡有三義。一以圓通義廣。正是此方便宜。故備顯修證之門。廣化儀之相也。二以慶說相繼。意欲觀音說後。卽便慶讚以表正讚觀音旁兼餘聖。若於那律次說。若不慶讚。不彰觀境最優。若便慶讚後說。諸聖應非。故留後說。卽慶讚正旁自然著矣。三勑揀連環觀音說竟。便勑文殊料。萬連綿相接事。無斷絕故也。

二依教修行

○初於聞中入流亡所。所入旣寂動靜二相了然。不生。如是漸增聞所聞盡。盡聞不住覺所覺空。空覺極圓空所空滅。○生滅旣滅寂滅現前。

三行成入證二初略示

吳興曰。舊約三慧次第銷之。今則不爾。節文爲四。一亡前塵。卽初於聞中至了然不生也。入流亡所

者。流謂法性。所謂音塵。入之與亡。通乎觀行相似。

之位也。所入法性體旣常寂是則前塵本自不動
今亦無靜故云二相了然不生也。二盡內根卽如
是漸增聞所聞盡也。前塵易亡內根難盡以由亡
智有疎有親故云漸增也。聞所聞盡謂能聞所聞
之根亦復不生也。此乃舉所顯能也。下覺所覺空
及空所空滅例亦如之。三空觀智卽盡聞不住覺

所覺空也。上句遣前盡相下句正空觀智覺謂覺
照卽智體也。四滅諦理卽空覺極圓空所空滅也。
上句顯重空之智下正滅重空之理。問理本寂滅
復何滅乎。答若謂寂滅此滅猶生但破其情非破
其理。如智論云不破聖人心中所得涅槃爲未得
者執成戲論是故須破已上四節若約三慧言之

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

從初入流義必具足。不可亡所未有思修。苟執次第恐傷文理。生滅等結前理智根塵。生滅既滅卽

得初住分證寂滅現前

天台曰五釋耳根圓通二初明境之通別此根所辯境相甚難出則濫同聲塵入則濫同耳識正當別取不出不入以能聞者爲所觀境蓋一墮緣塵則爲耳識并五意識更攬塵斯憶則墮爲意識非此圓通所觀之境矣二明觀之盈縮初宗佛旨釋其所悟者所師之佛亦名觀音溫陵所謂因果相符古今一道也彼佛教我從聞思修入三摩地者此言秉教之始入道法門也聞思修三慧通爲入道之要門此與常途異者乃不落義路直下照明

之圓修蓋彼佛教我已是聞思故今三慧但就修辯溫陵所謂達耳之謂聞著心之謂思治習之謂修三者圓明是名三慧是也初於聞中入流古所至寂滅現前一節正明三慧能踐觀智與夫淺深階差釋此爲二初分文釋義二約義判位初又爲二初分次釋初於聞中入流古所二句總標所入既寂下八句別釋生滅下二句總結總標初句中但標入門之始入流古所一句分正標圓通功用此句義趣該深是故科爲總標也二別釋中應依吳興荀文爲四一亡前塵卽所入既寂動靜互根了然不生也所入卽上所入之流既寂言直循間根入法性流至性覺妙明本覺明妙真阿練若寂滅道場正修行處名爲既寂所謂寂然不動也此雖最初一步功夫要與下寂滅之滅妙理等方得名爲因果名目相應也動靜二相卽聲塵動則有聲靜則無聲交光開此爲二種結相豈知法相哉了然不生者義有淺深淺而言之音聲性動靜聞中爲有無無聲號無聞非實聞無性是故初於聞

中一能入流得循所常不隨聲塵以起分別名爲了然不生。深而言之上根利智既得入流。一入未入得深禪定忘我我所不見有欲界聲塵等相。名爲了然不生。二盡內根。卽如是漸增聞所聞盡也。夫由塵發知因根有相。二法爲偶。存一不可。前根因塵有雖已亡之根苟不亡。終非了手故須連根也盡。言如是漸增者。如是乃指上旣寂之辭。蓋寂有觀解真似分極不同。今且論觀解要用觀智。使先所得旣寂之性漸漸增長廣之大之。聞斯可盡。故曰如是漸增聞所聞盡。謂能聞其所聞者亦盡也。三空觀智卽盡聞不住覺所覺空也。盡聞乃牒上內根已盡之相不住。正明宜空觀智也。蓋觀智爲能空根塵爲所空。對病以設藥病去而藥宜亡。苦病去猶服藥則執藥以成病故能空觀智亦須空之要當將能覺其所覺之觀智亦空方得名爲病去藥亡。復還元氣也。四滅諦理卽空覺極圓空所空滅也。空覺卽上空觀智之覺此覺卽所證諦理有分極不同。若未得極圓則重空之理未忘。要

須此空亦空而極圓之理方得故曰空所空滅。此四節文初節重在旣寂二字次節重在漸增二字三節重在不住二字。四節重在極圓二字。餘皆釋成聰明而已。三總結中生滅旣滅寂滅現前者。上總標中入流亡所一句已該下四節。謂初入聞根之流亡聲塵之所。次入觀智之流亡聞根之所。流入重空之流亡觀智之所。四入寂滅之流亡諦理之所。此中總結亦然。初亡前塵則聲塵滅而聞根生此但生滅非無生也。次盡內根則觀智生而聞根滅此亦生滅非無生也。三空觀智則重空生而觀智滅此亦生滅非無生也。四滅諦理者謂上重空雖屬諦理猶有微細生滅相在亦須滅之。如此麤細生滅旣滅方得寂滅現前也。故前四卷約因緣自然四句遣去意在于此。二約義判位者。一往判之初亡前塵二盡內根當前文此根初解先得人空屬圓教初信破見惑位。三空觀智當前文空性圓明得法解脫屬圓教七信破思惑位。四滅諦理當前文解脫法已俱空不生屬圓教初住破無

撰述

明位。故曰是名菩薩從三摩地入無生忍再往言之準今結文而云生滅既滅生相若滅應證無生法忍而又云寂滅現前應證寂滅忍今於二忍竟何所居因以私意通之曰以五忍言之寂滅現前正當妙覺果位今一往判入無生忍者以初住菩薩先破滅相煩惱故曰寂滅現前也二略消名相者夫言涉多門行逐言詮而莫窪理歸至當觀隨理入而易明竊原楞嚴一經文義雖多窪其旨歸無非爲阿難尊者殷勤啓請楞嚴太定而設但行因解進而解藉行成解行相資方能證入果位故經有見道而後修道修道而後證果之序雖有三分一以行門而爲宗主行雖二十五門又以觀音所修法門以爲宗主是則入流亡所四字爲一經之綱紐十軸之深脉以開解言之則流之一字全收以立行言之則入之一字通括以證果言之則亡所二字都該故得約二義而會通之初見道分二修道分見道分初當機首以三法爲講昔孤山法師會約天台三止釋之甚符佛旨但此經所說

三止所止三諦之境義雖有平次第而文實聯翩不分若約圓覺經三法分之宛然有序已如前文分釋今但約義會通而經有兩翻酬答初約不次而次以酬阿難最初總示如常住真心菩提涅槃元清淨體卽耳根所觀之境流之一字別示中如盲人矚暗是心非眼以去初則屈指飛光驗見不如動終則見見之時見非是見十科深示見性皆奢摩他體真止所止真諦之境圓覺所謂悟淨圓覺以淨覺心取靜爲行行者方其入流之時要當體此聞性如見性之若不動若無遷乃至若見見非見如是觀之能亡前塵盡內根空觀智滅諦理是爲體真而止取靜爲行止於真諦肇公所謂觸事而真體之卽神是也又如二種分別見妄去明陰入處界本如來藏約四性分別推檢非因緣自然皆三摩方便隨緣止上於俗諦之境圓覺所謂悟淨圓覺以淨覺心知覺心性及以根塵皆因幻化卽起諸幻以除幻者行者方其入流之時要當知覺耳性及以根塵皆因幻化卽起諸幻以除幻者

攝述

卷之六

如聲塵中推檢爲是聲來耳邊耳往聲處。又耳識爲緣生耳識時應一一推檢此識爲復因耳所生以耳爲界。因聲所生以聲爲界。又當如耳入中。一推檢當知是聞非動靜來非於根出不於耳入中。一如是推之能亡前塵盡內根空觀智滅諦理是爲方便隨緣而止。即起諸幻以除幻者也。又如明七大性色真空性空真色清淨本然周徧法界隨衆生心應所知量等不變隨緣隨緣不變之旨皆禪那息二邊分別止所止中諦之境圓覺所謂悟淨圓覺以淨覺心不取幻化及諸靜相了知身心皆爲罣礙無知覺明不依諸礙永得超過礙無礙境受用世界及與身心相在塵城如器中鐘聲出於外行者方其入流之時要當以淨覺心不取幻化之俗邊亦不取靜相之真邊了知身心皆爲罣礙等永得超過礙無礙二邊之境如一聞根聞周法界十方擊鼓十處皆聞妙德瑩然徧周法界圓滿十方寧有方所誠所謂相在塵城如器中鐘聲出于外能如是觀亡前塵盡內根空觀智滅諦理是

爲息二邊分別而止不取爲行止於中道第一義諦也次約次而不次三諦以酬滿慈清淨本然二云何忽生之間正明上不變隨緣隨緣不變之旨最初總示真阿練若正修行處性覺妙明本覺明妙亦今耳根所觀之境流之一字別示如我以不滅不生合如來藏十界俱卽十界俱離卽離非是卽非卽正圓融三止所觀舉一卽三言三卽一是則流之一字圓具三諦與夫十界然而特言流者乃約喻而顯法也蓋言衆生無始迷真而逐妄如從源而出流今返妄以歸真如從流以週源從源而出流則根爲塵黏趣外奔逸而千流萬派入則脫黏內伏從流以週源而一道坦然須知性覺必明爲源之本妄爲明覺爲流之始因明立所旣妄立生汝妄能因而三細因而六麤則六根之相具以爲流之末今言入流則違彼無始織妄業流返窮流根至不生滅要而言之卽前二種根本菩提涅槃元清淨體則汝今者識精元明能生諸緣所遺者智斷元清淨體卽性覺必明者

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

卷之三

也能生諸緣。卽今耳精爲八識見分。若隨聲分別卽能生諸緣。遺本明以爲妄明。若入流返聞。卽伏還元真不生滅性。返之不已。因而亡前塵盡。內空觀智滅。諦理生滅既滅寂滅。現前流之一字。所包豈不廣乎。二修道分。文旨無他。不過明決定義以前所見之道禰性照了。名爲修道。如第一決定審觀因地發心與果地覺爲同爲異。若於因地以生滅心爲本修因。而求佛乘。不生不滅無有是處。又云汝今欲令見聞覺知遠契如來常樂我淨應當先擇死生根本。依不生滅圓湛性成。以湛旋其虛妄滅生。伏還元覺得元明覺爲因地心。然後圓成。果地修證果地覺如下阿難所舉七種名目。以問如來。疑因性斷滅。與此有異。如來則命羅雲尊者擊鐘驗常。以顯聞性不滅。又以如人睡夢。雖復顛倒。而聞性不昏。卽此所入流字中元常之性。第二決定審詳煩惱根本。此無始來。發業潤生。誰作誰受。則汝現前眼耳鼻舌及與身心六爲賊媒。自劫家寶。乃至見所結論。結元指結心。知見立知。卽歸此流之二字。示揀擇須精。陀那微細識種子成瀑流真非真。恐迷。我常不敷演亦指此流字。若不取無非幻。非幻尚不生。正言上入之一字。故經中明此流字敷演極長。入之一字。露布極劣。如吾不見時。若能轉物。見見之時。覺緣非眚。四性惟檢。不滅不生。合如來藏。汝但不隨分別。狂心若歇。當於結心解。卽分散。但此數處而已。蓋此圓理。乃大定之本。行依解進。其斯之謂歟。三判教相者。論菩薩所修。教極圓頓。不須約他教而判。但入流之言。其義亦通。如藏教須陀洹人。名曰入流。不入色聲味觸法。豈非入流亡所乎。又此入流名曰聞聞。而阿那律陀尊者。旋見循元。名爲見見。見見聞聞。俱是六根圓通。而尊者但證四果。豈非義屬通教乎。若

無明本。知見無見。斯卽涅槃。亦卽此流之一字。蓋依此耳。根識精能。生諸緣從源以出流。則爲煩惱爲生死。若依此耳根元明。聞聞非聞。從流以遡源。則爲菩提爲涅槃。故曰結解同所因。聖凡無二路。卽偈中所指真性。有爲無爲。縛脫俱遣。亦究竟結歸此流之二字。示揀擇須精。陀那微細識種子成瀑流真非真。恐迷。我常不敷演亦指此流字。若不取無非幻。非幻尚不生。正言上入之一字。故經中明此流字敷演極長。入之一字。露布極劣。如吾不見時。若能轉物。見見之時。覺緣非眚。四性惟檢。不滅不生。合如來藏。汝但不隨分別。狂心若歇。當於結心解。卽分散。但此數處而已。蓋此圓理。乃大定之本。行依解進。其斯之謂歟。三判教相者。論菩薩所修。教極圓頓。不須約他教而判。但入流之言。其義亦通。如藏教須陀洹人。名曰入流。不入色聲味觸法。豈非入流亡所乎。又此入流名曰聞聞。而阿那律陀尊者。旋見循元。名爲見見。見見聞聞。俱是六根圓通。而尊者但證四果。豈非義屬通教乎。若

接述

大藏經

有菩薩依此而修。惟見但中。不卽二邊。豈不義通別教乎。是則今之圓通義歸圓教。必約圓理圓行而論。如其不然。豈不迷乎。是故今觀應準前後。因果文義而修方見的旨。前文明所觀。卽圓融三諦。如次第中不知意者。但謂十翻顯見性常住。但空六凡情僞者。以爲真諦。須知此空。十界俱空。如來彰自觀。自證中所誼。一切俱非。不惟六凡皆空。二乘亦空。不惟九界俱空。而佛界亦空。以此而觀。方爲圓通真諦之境。又不知意者。但謂陰入處界。一一難明。非因緣自然。惟建立六凡四科。卽如來藏性者。以爲俗諦。須知此俗十界俱卽。不惟六凡俱卽。四聖亦卽。以此而觀。方爲圓通俗諦之境。又不知意者。但謂七大明不變隨緣。隨緣不變。惟雙非二邊爲中道。無戲論法須知此中。十界雖復雙非。而亦雙是。故曰離卽離非。是卽非卽。以此而觀。方爲圓通中諦之境。蓋十種法界。無非性具。約離情僞。非則俱非。約法圓常卽則俱卽。約統御禪王遮則俱遮。照則俱照。

懷道

懷道

十一

前判教中。有依耳門。雖入流亡所。但證偏真。但中者。有之三。非被機。非圓頓者。如諸小乘羅漢。所修法門。是也。四是被機。是圓頓。卽觀音所修耳門。三昧。是也。又有一種法門。是圓頓。亦被機。卽眼根圓通。經以十科極所。綢敘。見大最所讚許。卽文殊奉勅。簡選。亦先自許可。而云見性。雖洞然。及其斥辭。但云四維虧一半。云何獲圓通。若取前經少加扶植。則以此見周圓。遍娑婆國者。而圓之。汝豈挽見齊於日面。穿爲小竇。寧無續迹者。而通之。屈指飛光。驗見不動。觀河之見。童耄無遷者。而常之。是則見性法門。但輪闍性。初心入門。一着工夫。或有登欲界。未到地定。而身心牀座。忽然俱空。則相與頽頹。恐未肯以先後讓。因得以觀音所陳悟門。準例見見爲那律尊者。以陳其辭曰。初於見中。入流亡所。所入既寂。明暗二相。了然不生。如是漸增。見所見盡。盡見不住。覺所覺空。空覺極圓。空所空滅。生滅既滅。寂滅現前。若當時以此白之。於普門法王。亦諒垂肯首。引臂而與之俱進也。二直指精要。

釋迦

卷之三

三

中三謂之三諦故東此三諦但屬法身若依此而修屬修中三謂之三止東此三止謂之般若破惑證理屬果中三謂之三德東此三德但屬解脫故阿難讚佛云妙湛總持不動尊妙湛讚般若德總持讚解脫德不動讚法身德而此三法在因果迷悟立名雖有不同其體恒常不變不異故此三法在迷謂之三諦在因謂之三止在果謂之三德今攝牒指歸以判圓通法門約橫豎二論豎而言之則流之一字當法身德入之一字當般若德亡所二字屬解脫德蓋流卽耳根聞性真常故屬法身能照乎此卽屬般若不爲聲塵之所繫縛卽屬解脫此總標三德也下別釋有四節節節皆可論之如所入旣寂動靜二相了然不生旣寂卽法身能入卽般若動靜不生卽解脫如是漸增聞所聞盡所照寂理漸增卽法身能照觀智漸增卽般若聞所聞盡卽解脫盡聞不佳覺所覺空盡聞分理卽法身不生卽般若覺所覺空卽解脫空覺極圓空所空滅空覺卽法身極圓卽般若空所空滅卽解脫若寂滅現前則圓證此之三德只一三德私藏隨修位淺深立名雖曰五三非世數十五也若橫而言之流則有三以聞性廓然蕩無一物清淨離染如百千澄清大海波恬浪靜謂之妙湛卽真諦理當般若德以聞性圓融一卽一切可以聞見聞嘗可以聞知聞嗅如一室千燈舉一全收謂之總持卽俗諦理當解脫德以聞性凝常周遍寂滅永不得超越礙無礙境如器中錐聲出于外謂之不動卽中諦理當法身德此爲法身中三圓融照了乎此以成三止此爲般若中三境觀相合智理相冥能破三惑能成三德此爲解脫中三雖有三三種是三三然九亦不多三亦不少性具之法法爾如斯五卷中偈讚是名妙蓮華金剛王寶覺如幻三摩提彈指超無學下文殊偈云我承佛威力宣說金剛王如幻不思議佛母真三昧皆讚此三法也法門精要其妙若此聞者見者可不崇諸

摸逆

二廣顯二初超九法界

一獲二殊勝

○忽然超越世出世間○十方圓明獲二殊勝。一者上合十方諸佛本妙覺心與佛如來同一慈力。二者下合十方一切六道衆生與諸衆生同一悲仰。

吳興曰上云慈力者慈既與樂必能拔苦應以力量兼於悲義也。下云悲仰者悲謂悲苦。仰謂仰樂此非屬應蓋言其機也是故厭患苦道則以悲爲

機欣慕樂果則以仰爲感。菩薩所證圓通之理徧在衆生悲仰之中故曰與也同也。當知衆生由悲故能感拔苦之力。菩薩由慈故能應仰樂之機。感應常賓與拔常顯若曉斯旨則下文三十二應乃至四不思議無忘其本乎。

天台曰忽然超越世出世間。超卽離也。離爲合之對離則破其情合則契其理。情無不盡故文殊起佛見而遭貶於鐵圍理無不彰故觀音以理毒現

而然而啓教然則微離而莫能合
離合同時特言不輒爾第超凡乎
界情執俱離而上合下合豈之乎
法界既爲能合故置已而不言若
跳會是後羣之不顧緣覺如鹿之
而與悲此二獸且自救之不暇
哉至於佳果不前旣無樂之可仰
苦之可悲不言與合蓋可知也下
有是體而後有是用如前行成入
上合同一慈力慈能與樂三十二
事也下合同一悲仰悲能拔苦十
議無非拔苦事也第苦之與樂勢
必拔苦拔苦必與樂又從類聚故
乖張必悲

合而莫能離。出世間則十
一聖良以菩薩
一聞如獐之獨
忘衆徒爲於邑
人何慈力之有
人籠早出亦無
方由證起用蓋
陞中獲二殊勝
忘身無非與樂
四無畏四不忍
同居故與樂

世尊由我供養觀音如來蒙彼如來授我如幻聞

熏聞修金剛三昧與佛如來同慈力故令我身成三

十一應入諸國土

欽李曰幻喻三慧體不可得金剛喻摧堅之能也

溫陵曰三十二應者現十法界身圓應羣機也開

之有三十二合。惟四聖六凡攝盡群類。
天台曰：二聞字，卽所觀之境；上文初於聞中也。重
修二字，卽能觀之觀；上入流中入字也。若亡前塵，
四節則三昧之次序也。如幻金剛喻耳根法門之

力用也。能觀中言熏修者熏謂熏襲修謂修治。蓋此法門乃全性以起修。全修而在性。全性起修。則以本覺之性。而熏襲乎始覺。全修在性。則以始覺之修而修治乎本覺。卽熏而修。卽修而熏。皆不異乎聞。故累其言爲聞熏聞修。如是而修。卽爲無爲。亡情絕解。一切結惑。擬之卽銷。故稱爲如幻聞。熏修金剛三昧。前文以妙蓮華喻中道。下文則易以佛母。今不云者。蓋全本爲始。全始在本。聞熏聞修。則中道之義亦已備矣。

二別示隨機現身二初叙現身二初見出世身四移佛身

○世尊若諸菩薩入三摩地進修無漏勝解現圓。我現佛身而爲說法令其解脫。

孤山曰。菩薩別圓機也。若入相似三摩地進修中。

道無漏。則分真勝解現圓。乃至若進修金剛無漏。則冤竟勝解現圓。大士皆現佛身爲說頓法。令得分真冤竟解脫。問。菩薩何能現佛身邪。答。心性理顯。高下無殊。如鏡已明。形對像現。臣家之鏡。王苟臨之。豈無王像。王家之鏡。臣苟對之。豈無臣像。當知人有高下。鏡無貴賤。然亦不妨。明有優劣。問。等

標題

卷之三

七

覺菩薩豈假初住。現佛說法邪。答聞法得解。何必求人。復假勝身彌增內慧。且天魔現爲佛像。頗多尚乃致禮。况初住菩薩妙理所現。等覺雖尊。孰敢不仰。況觀音本是古佛。豈不能爾。天如補註曰。觀音古佛。且置勿論。只據今經。旣謂超越世出世間。又言上合諸佛。同一慈力。就超越合同四字求之。

其證非淺。然則現佛說法理固宜然。又豈容以初住分真爲局爲難哉。

二釋覺

○若諸有學。寂靜妙明。勝妙現圓。我於彼前。現獨覺。

身而爲說法。令其解脫。○若諸有學。斷十二緣。緣斷

勝性。勝妙現圓。我於彼前。現緣覺身。而爲說法。令其

解脫。

文那

卷之三

標題

標題

卷

溫陵曰。獨覺者出無佛世。觀物變易。自覺無生。故號獨覺。樂獨善寂求自然慧。故曰寂靜妙明。緣覺者稟佛之教。觀緣悟道也。知迷勝性。由十二緣於是斷之。自無明滅。至憂悲苦惱滅。則緣斷而勝性現矣。性因緣斷而現。故曰緣斷勝性。構李曰。勝妙現圓者。各約自乘理智。將欲現前。得此名也。

四層開

○若諸有學。得四諦空修道入滅。勝性現圓。我於彼前現聲聞身而爲說法。令其解脫。

構李曰。三果已前賢位聖位。俱屬有學。見道一十

六心。斷四諦下惑證生空理。故曰得四諦空。初果後進斷三界八十一品俱生。品品皆證一分擇滅無爲。故云修道入滅。孤山曰。二乘藏通機也。雖有

撰述

機緣遺蹟卷之

菩薩而藏同人天不斷惑故通同二乘所證齊故
 天台曰。或問前釋二合云。二乘無與樂之慈。無悲
 苦之仰。故菩薩不與之合。今明由證起用。何亦垂
 應於二乘乎。答曰。此明二乘之機。猶蘊在於六凡。
 悲陰苦而斷集。仰滅樂而修道。是以菩薩應身說
 法。拔其苦而與其樂。終非合之之道也。

三觀世間身二劫天身二望天

○若諸衆生欲心明悟。不犯欲塵欲身清淨。我於彼
 前現梵王身而爲說法。令其解脫。若諸衆生欲爲天
 主統領諸天。我於彼前現帝釋身而爲說法。令其成
 就。若諸衆生欲身自在遊行十方。我於彼前現自在
 天身而爲說法。令其成就。若諸衆生欲身自在飛行
 虛空。我於彼前現大自在天身而爲說法。令其成就。

孤山曰。梵王卽色天主。名爲尸棄。此云頂髻。瓔珞
 明四禪皆有王。今言梵者。應是初禪之頂以有覺
 觀語言之法得爲千界之主。說法者如金光明云。

支那
 羅摩衍那經卷之六

撰述

大梵天王說出欲論。解脫者令離欲塵也。帝釋卽欲界第二天主。彼天橫有三十三天。而帝釋統之。說法謂十善也。金光明云。釋提桓因種種善論是也。自在天是欲界頂天。具云婆舍跋提此云他化自在。假他所作以成己樂。卽魔王也。或云第六天上別有魔王居處亦自在天攝。大自在卽色頂摩醯首羅天。大論云。三目八臂騎白牛執白拂者是也。溫陵曰。初舉梵王復自欲天超至色頂意兼無色以明無刹不現也。

○天台曰。問三十三應身前四爲出世間。云解脫可爾。楚王雖統三界。猶未出離世間。亦云解脫何耶。答曰。媱欲爲生灰之深根。沉淪之惡業。此經以慶喜邪染之緣。而後發大教職。由乎此故。一經所有誠勸莫不以離欲欲染而爲之辭。而梵王天者。乃清昇之元首。出欲之先容。雖未出世間。能爲離世本。故其爲言。諱切著明。曰欲心明悟。曰不犯欲塵。曰欲身清淨。蓋身爲欲之偶。塵爲欲之對。而心又爲欲之機。故與求脫其欲者。莫先乎解其機。欲心

接述

明悟。則已得乎色界初禪。心一悟而欲機亡。欲機亡而於塵無所取。果得無所取。則身同乎木鷄。而欲塵無所偶。故善薩現身說法。令其解脫乎欲界之身心也。初禪既然後之三禪。轉超勝經。不云應者舉一而弊諸也。無色無身。故不云二屬天。

○若諸衆生愛統鬼神救護國土。我於彼前現天大

將軍身而爲說法令其成就。若諸衆生愛統世界。保

護衆生我於彼前現四天王身而爲說法令其成就。若諸衆生愛生天宮驅使鬼神。我於彼前現四天王

國太子身而爲說法令其成就

溫陵曰。上舉正統此舉臣輔也。天將軍爲帝釋上

將統領鬼神。四天王臣於帝釋。統領世界。四天太子卽那吒之類能驅鬼神

○若諸衆生樂爲人王我於彼前現人王身而爲說

法令其成就。若諸衆生愛主族姓世間推讓。我於彼

前現長者身而爲說法令其成就。若諸衆生愛談名言清淨自居。我於彼前現居士身而爲說法令其成就。若諸衆生愛治國土剖斷邦邑。我於彼前現宰官身而爲說法令其成就。若諸衆生愛諸數術攝衛自居。我於彼前現婆羅門身而爲說法令其成就。

溫陵曰自金輪至粟散皆人王也。粟散卽邦國小

王。散於天下如粟之多。長者具十德謂姓貴位高大富威猛智深。年耆行淨禮備上歎下歸故爲族姓之主。世間推讓也。隱居求志行義達道名居士愛談名言。卽典雅之言也。三台輔相州牧縣長悉號宰官婆羅門此云淨行四姓之一也。愛諸數術卽和合占相推步盈虛也。

換述

二禪法四眾

○若有男子。好學出家。持諸戒律。我於彼前。現比丘身而爲說法。令其成就。若有女人。好學出家。持諸禁戒。我於彼前。現比丘尼身。而爲說法。令其成就。若有男子。樂持五戒。我於彼前。現優婆塞身。而爲說法。令其成就。若有女子。五戒自居。我於彼前。現優婆夷身。而爲說法。令其成就。

孤山曰。優婆塞云。近事男。優婆夷云。近事女。以五戒自守。堪任近事。出家二衆故。

三女主童真

○若有女人。內政立身。以修家國。我於彼前。現女主身。及國夫人。命婦大家。而爲說法。令其成就。若有衆生。不壞男根。我於彼前。現童男身。而爲說法。令其成就。若有處女。愛樂處身。不求侵暴。我於彼前。現童女

身而爲說法。令其成就。

孤山曰。女主。卽天子之后也。周禮天子之后立六宮。三夫人。九嬪。二十七世婦。八十一御妻。國夫人。如論語。邦君之妻曰君夫人。命婦謂妻因夫榮者也。大家如後漢扶風曹世叔妻者。同郡班彪之女名昭字惠姬。和帝數召入宮。令皇后貴人師事焉。

號曰大家。

三八部衆三初明四節

○若有諸天樂出天倫。我現天身而爲說法。令其成就。若有諸龍樂出龍倫。我現龍身而爲說法。令其成就。若有藥叉樂度本倫。我於彼前現藥叉身而爲說法。令其成就。若乾闥婆樂脫其倫。我於彼前現乾闥婆身而爲說法。令其成就。○若阿修羅樂脫其倫。我

提
述校
勘
通
鑑

卷

於彼前現阿修羅身而爲說法令其成就若緊那羅樂脫其倫我於彼前現緊那羅身而爲說法令其成就若摩呼羅伽樂脫其倫我於彼前現摩呼羅伽身而爲說法令其成就○若諸衆生樂人修人我現人身而爲說法令其成就若諸非人有形無形有想無想樂度其倫我於彼前皆現其身而爲說法令其成

三明後部

就

孤山曰藥叉此云輕捷乾闥婆此云香陰新翻尋

香行帝釋樂神也阿修羅云無端正以女美而男

醜故從男彰名新翻非天以詐無天行故準普

門品八部此闕迦樓羅卽金翅鳥也緊那羅形似

人而頭有角因呼爲寃神天帝絲竹樂神也小劣

乾闢婆新云歌神。摩呼羅伽。什師云地龍。肇公云
大嶽。腹行也。長水曰。有形如休咎精明等。無形如
空散銷沉等。有想如神鬼精靈等。無想如精神化
爲土木金石等。皆非人也。

天台曰。此經三十二應身與法華普門品同。其所
說法則異。彼爲流通法華。純說佛法。故其文曰。應
以何身得度者。卽以何身而爲說法。此經爲顯從
妙體起妙用。無刹而不現。無法而不說。以泛應言
之。則楞嚴圓和之用廣。以大體言之。則法華實智

之本大。一施權。一顯實事。不雷同。一叙因。一叙果。
二總標示。匪異。

○是名妙淨。三十二應入國土身。皆以三昧。聞熏聞
修。無作妙力。自在成就。

溫陵曰。迹示同類。心絕愛見。名妙淨。依無作智。起

大神用。名妙力。無作無爲。隨緣汎應。名自在成就。

吳興曰。三十二應比普門品。雖互有出沒。大體是

同總而言之無越十界。於十界中兩經俱無菩薩
并地獄身者。或曰。聖言之略耳。或云觀音已是菩
薩。何須更現。地獄苦重不可度也。智者依正法華
具現菩薩界身。又準釋論菩薩亦化地獄故知十
界不可闕焉。

佛身入實報以綠覺聲聞身入有餘以六道身入同居其常寂光土乃菩薩分證三德自所居土也。三昧聞熏聞修此顯因行之無作也。妙力顯果用之無作也。若括前文言之圓通常十界三諦本覺之無作也。入流亡所始覺之無作也。忽然超越世出世間上合諸佛下合六道此果證性具妙體之無作也。三十二應。爾性。爾機。一日在天影臨萬木。此妙用之無作也。由因入果依體起用。菩薩功德其事如是。自在成就可不信諸。

○世尊我復以此聞熏聞修金剛三昧無作妙力與

諸十方三世六道一切衆生同悲仰故令諸衆生於

我身心獲十四種無畏功德

授達

卷

溫陵曰。由我不自觀音而彼獲脫苦。由我知見旋復而彼能不燒故曰於我身心獲無畏德。

天台曰。法華玄義論機應凡有四句。謂顯機顯應。顯機冥應。冥機顯應。冥機應。前明三十二應身。則機應俱顯。下明十四無畏。則顯機冥應。若冥機顯應。則衆生今世雖無扣佛之機。而過去有種。冥入識者。將熟而菩薩乘其可度。而顯應之若冥機冥應者。則今之行人。不蒙師教。而能力行其善。未聞法要。而能洞曉其理。皆內有冥機。而外有菩薩冥應使。之然也。

二別示隨機現益二初總明觀智加波觀機獲衆苦無畏

)一者由我不自觀音以觀觀者令彼十方苦惱衆

生觀其音聲卽得解脫

溫陵曰。不自觀音者。不隨聲塵所起知見也。以觀觀者。謂旋倒聞機。反照自性也。不起知見。則無所妄反照。自性則一切真寂。無復苦惱可得。此則真觀淨觀。大智慧觀能破癡暗能伏灾難。故令苦衆生蒙我真觀。卽得解脫。吳興曰。聖人無已。惟物是

利故以觀音之智加彼觀聲之機於苦得脫不旋踵矣。若夫止稱名號罔識聞熏善應未臻而責聖言之虛者是猶洒一杯之水救積薪之火火不熄則謂水不勝火惑亦甚哉天如補註曰環師之解觀聲在應岳師之解觀聲在機一說不可偏廢故互存之當知下文意不殊此

天台曰由我不自觀音以觀觀者則觀聲在應也令彼衆生觀其音聲則觀聲在機也正以下文之意不殊此是故此科自爲總明觀智加被觀機獲衆苦無畏也

二別明觀智加被觀機獲衆苦無畏十三初知見旋復火災無畏

○二者知見旋復令諸衆生設入大火火不能燒
二觀德燒復水灾無畏

三者觀聽旋復令諸衆生大水所漂水不能溺

溫陵曰內外四太常相交感見覺屬火聞聽屬水

故見業交則見猛火聞業交則見波濤今知見旋

撰述

校讎

復則無見業觀聽旋復則無聞業故水火不能燒溺也。於聽言觀猶音言觀也。大水所漂意兼風灾構李曰。準天台釋火難有三種。一果報火。下從地獄上至初禪。二惡業火。通三界。三煩惱火。通三乘火難。既爾他皆放此。

三心無殺害鬼國無畏

○四者斷滅妄想心無殺害令諸衆生入諸鬼國鬼

四六根銷復刀兵無畏

不能害。○五者熏聞成聞六根銷復同於聲聽能令衆生歸當被害刀段段壞使其兵戈猶如割水亦如吹光性無搖動。

孤山曰熏於妄聞成真聞性溫陵曰一根既圓則

六根銷復同於聲聽無復行礙故如割水吹光也天台曰凡鬼之殺人必俟其有可殺之機而殺之而菩薩斷滅妄想則殺害之機寂人亦學菩薩而觀其音菩薩乃以觀音之智而加諸人無論其鬼

撰述

來害人。卽入諸鬼國不能害矣。衆生則因聞發識六根成於有待故。刀可斷而戈可割。菩薩則返聞聞乎自性熏。聞成乎真聞聞果何相哉。久之六根銷復同於聲聽之無形。非惟刀不能壞。且將同金剛堅固而不壞。事等割水理。

五明復法界鬼暗無畏

等吹光性無搖動可信也夫

○六者聞熏精明。明徧法界。則諸幽暗性不能全。能令衆生藥叉羅刹鳩槃茶鬼及毗舍遮富單那等。雖近其傍目不能視。○七者音性圓銷觀聽。聽返入離諸塵妄。能令衆生禁繫枷鎖所不能著。○八者滅音圓

七徧生慈力劫財無畏

聞徧生慈力。能令衆生經過險路賊不能劫。

孤山曰。藥叉如前。肇師云。有三種。一在地。一在虛空。三在天。羅刹云可畏。鳩槃茶厭魅鬼。毘舍遮噉精氣鬼。富單那。熱病鬼。溫陵曰。聞熏精明。燦彼幽

暗。故不能視也。音性圓銷。則內無所繫。觀聽返入。則外無所累。故枷鎖自脫也。音聞兩立。則物我成

撰述

標題

敵今滅音圓聞則內外無待故能徧生慈力無復怨敵矣

八色所不劫貪欲無畏

○九者熏聞離塵色所不劫能令一切多嬌衆生遠離貪欲○十者純音無塵根境圓融無對所對能令

九根境間融忿恨無畏

一切忿恨衆生離諸瞋恚○十一者銷塵旋明法界身心猶如琉璃朗徹無礙能令一切昏鈍性障諸阿

十銷塵旋明處障無畏

顛迦永離癡暗

溫陵曰衆生以欲習合塵故爲色劫能以金剛三昧熏聞成性遂能離塵成性則欲愛乾枯離塵則根境不偶故雖有妖色不能劫動矣瞋由違情而起對境而生。音性純淨無復妄塵故圓融無違無能所對無違無對則不瞋矣癡由妄塵所蔽無明

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

[撰述]

[標題]

[卷二]

所覆銷塵則無蔽。旋明則無覆。故外之法界。內之身心凝瑩朗徹。離癡暗矣。性障卽癡也。阿顛迦此云無善心。內業有十。而壞滅法身。惟婬怒癡爲甚。故舉三以兼餘。吳興曰。準天台釋三毒通界內外。內謂思惑。外謂無明。一乘以欣涅槃爲貪厭。生死爲瞋迷中道。卽癡。菩薩廣求佛法。訶惡二乘。未了

佛性皆是三毒

天台曰。純音無塵者。夫聲爲致妄之本。音則裊裊餘韻。致妄之義疎。若唐人詩潭影空人心。以潭水之空澄而印現影像於色法。不已疎乎。而人之俯臨其間。不期然而情想頓空。說者謂此詩近乎禪。誠近之也。比菩薩不聞其聲。而獨求乎音。不聞其音。而獨觀其音。則業識失其故。而所不能到。純音遺聞。豈欺我哉。是以菩薩之名於觀而不言色。於音而不言聞。豈非易衆生根塵異地而置之乎。吾於六根互用法門。未信乎果而先信乎菩薩之因心者。以此矧反聞自性。圓洞十虛音響發揮。全吾性分。惟聞惟音法界理顯。故棗柏有觀音之教。金剛有眼聽之言。皆與大悲聲同一律。

○十一者融形復聞不動道場涉入世間不壞世界

士禪鑒定求男無畏

撰述

大藏經卷之六

能徧十方供養微塵諸佛如來。各各佛邊爲法王子。
十二領法足慧求女無異

○十三者六根圓通明照無二。舍十方界立大圓鏡空如來藏。承順十方微塵如來祕密法門受領無失。能令法界無子衆生欲求女者誕生端正福德柔順。衆人愛敬有相之女。

溫陵曰融形則礙滅復聞則性真故涉入世間而無動無壞能徧十方供養微塵佛。稟承其法各爲法子。供佛足福。稟法足慧而能紹繼法王有男子之道故能應其求也。六根圓通下謂圓故無二。通故含界明照則大圓鏡智之質也。含界則空如來藏之體也。具此故能承順法門受領無失。承順卽坤

撰述

妙法蓮華經卷第

柔德受領卽閨門能事。有女之道故能應其求也。吳興曰：智者引阿含明地獄已上乃至欲天皆有無子之苦。令所求者悉能滿心是亦拔其苦也。構李曰：涉入世間不壞世界卽方便智。方便屬權。權能幹事故生於男也。立大圓鏡空如來藏。卽屬實智。實智詣理。理能含育故生於女也。如淨名云：

智度菩薩母方便以爲父卽其義焉

天台曰：男子陽性有權幹之能。女子陰性具含育之道。然用非體不彰。實非權不證。融形復聞不動。道場此先得其體也。涉入世間不壞世界此後彰其用也。有男子之陽道兼之福慧具足此又卽權而實也。故能應其所求。六根圓通明照無二此先得其權也。舍十方界立大圓鏡智空如來藏。此後得其實也。兼之承順受領此又卽實而權也。故能應其求。

十三以一敵多稱名無畏

法王子有六十二恒河沙數修法垂範教化衆生隨十四者此三千大千世界百億日月現住世間諸

撰述

校讎圖說卷之二

順衆生方便智慧各各不同。由我所得圓通本根發妙耳門。然後身心微妙含容周徧法界。能令衆生持我名號與彼共持六十二恒河沙諸法王子。二人福德正等無異世尊。我一號名與彼衆多名號無異。由我修習得真圓通。是名十四施無畏力。福備衆生。

孤山曰法華亦有此之較量。及觀今經方曉彼意。

蓋此方衆生耳根利故受道者多。所以觀音化勝餘根鈍故受道者少。所以諸聖化劣。是知行位雖齊。對機有異。總彼恒河沙數。但敵觀音一人。故使持名。二福正等。據此所說。已自密闇耳根圓通。爲未曉者更俟文殊詳擇。百億日月者。百億刹土也。是名下總結也。

援通一

三四不思議二初總明由證起用

○世尊我又獲是圓通修證無上道故又能善獲四
不思議無作妙德

溫陵曰現衆多容誦一一呪攝化衆生圓應所求
理出於無爲神應於不測名不思議無作妙德然
前亦現形應求獨此名不思議者前則略顯此復
深明如於一身現八萬首臂固莫得而思議也

二別示體機現益四初令得自在

○一者由我初獲妙妙聞心心精遺聞見聞覺知不
能分隔成一圓融清淨寶覺故我能現衆多妙容能
說無邊祕密神咒其中或現一首三首五首七首九
首十一首如是乃至一百八首千首萬首八萬四千
燦迦羅首二辟四辟六辟八辟十辟十二辟十四十
六十八二十至二十四如是乃至一百八辟千辟萬

撰述

辭八萬四千。母陀羅辭。二目三目四目九目。如是乃至一百八目。千目萬目。八萬四千。清淨寶目。或慈或威。或定或慧。救護衆生。得大自在。

溫陵曰。言初獲者指本因也。首爲六用之總辭。表提接之悲。自表照了之智。各依本數充之。以至八萬四千者。表依根本六用。根本智悲而況應塵勞。

得大自在。在此十一地等覺妙行也。華嚴十地已前。猶依本智長養大悲。至十一地長養功終純是大悲。爲法界體與智圓現故。觀音手眼通身徧身。而以大悲攝也。一體之中。塵勞萬法慈威定慧無所不備。而繼二十四聖示現者。明彼所現雖各一端。圓而會之。咸極于此。使悟入者不止二十五門頓。

撰述

了八萬塵勞法界事理會不離吾。一圓融淨覺之體能同能異。卽一卽多。無邊刹海德用徧周。十方身土境相相入。邪正吉凶之術養生安物之方法圓通塵塵具足矣。或曰。八萬四千特表法耳。一身何所施乎。是特以有思惟心測度菩薩圓通境界也。夫身含十虛毛端現刹。彼空與刹又不啻如

首臂而已。彼八萬四千首臂猶人之八萬四千毛孔耳。未足異也。聖人之言。卽事卽理。旣曰不思議德。無以限意思之議。之燦迦羅云。金剛堅固不壞也。母陀羅云。印各有妙印也。清淨寶目。離塵合覺也。慈以攝化威以折伏定以復湛慧以開覺通指衆多妙容也。

撰述

天台曰妙妙聞心者初妙謂圓頓諦理次妙謂圓通本根是圓頓是被機乃玄中之玄妙中之妙故累其言爲妙妙又妙妙者耳根具圓通常三德固爲妙矣菩薩能以不思議妙智而聞其聞斯得其妙是爲妙妙聞心妙妙聞心臻於亡塵盡根空智滅理可謂精一無二則一根既返源六根成解脫故見聞覺知不能分隔成一圓融清淨寶覺之體以起無方大用現多妙容是形益說多神咒是聲益頭手目各八萬四千者蓋清淨寶覺以圓常爲體融通爲相如于眼龍燈門門皆透亦如無邊空藏法法咸真旣轉八萬四千塵勞門以爲八萬四千解脫門故能以八萬四千三昧門應入萬四千塵勞門於衆生一一塵勞現一手眼提拔之照了之歸於金剛堅固不壞而後已此菩薩慈以攝化威以折伏定以復湛慧以開覺之大用也

今蘊異

○二者由我聞思脫出六塵如聲度垣不能爲礙故

我妙能現一一形誦一一咒其形其咒能以無畏施

諸衆生是故十方微塵國土皆名我爲施無畏者○

三空捨摩食

三者由我修習本妙圓通清淨本根所遊世界皆令

衆生捨身珍寶求我哀愍

溫陵曰本根清淨則一切無著故能令衆生捨諸

慳著也求我哀愍者哀愍受之而爲施作佛事也

換述

天台曰。隨聲分別。則爲所黏。反聞自性。則脫黏內伏。一塵既不受。則五塵皆解脫。若塵則有根。脫塵則無根。惟無妄根。則根如聲之無形。古之神通聖人。墻壁由之直度者。以此修習本妙圓通。清淨本根。則一塵不受。惟其不受故能令衆生捨身珍寶。求我哀愍。納受此則菩薩以不受而爲其受。衆生應以無施而爲其施。庶可以成法供養焉。

四令溝所求

○四者我得佛心證於究竟。能以珍寶種種供養十方如來。傍及法界六道衆生。求妻得妻。求子得子。求

三昧得三昧。求長壽得長壽。如是乃至求大涅槃得

大涅槃

溫陵曰。得佛心證慧足也。珍寶供養福足也。福慧

兩足故。傍及衆生使彼所求如願也。吳興曰。此四

不思議前二屬應後二對機。應中備顯形聲二益

初文雖云說兜而正示形益。卽應身功用也。次文

雖復現形而正示聲益。卽名稱普聞也。機中具明

因果二相。光明修因。則六度之中。略舉布施。俾求

福故。後明感果。則世出世願靡不成就。令得樂故。
天台曰。我得佛心證於究竟。則無理而不圓。無法而不具。如薩埵之得末尼。置之高幢。隨人所需。無法不充足。仰足以養父母。俯足以給妻子。中足以及衆人。在法亦然。故曰能以珍寶種種供養。十方如來。旁及法界六道衆生。云云等也。

二牒證結卷二初結答所問

○佛問圓通。我從耳門圓照三昧。緣心自在。因入流

相。得三摩地。成就菩提。斯爲第一。○世尊。彼佛如來

二叙靈得名

歎我善得圓通法門。於大會中授記。我爲觀世音號

由我觀聽。十方圓明。故觀音名徧十方界。

溫陵曰。初於聞中入流亡所。是從耳門得圓照也。

由得圓照。故隨緣應化。得大自在。吳興曰。按觀音

三昧經及大悲經並云。此菩薩過去久已成佛號

正法明。又悲華經說。往昔寶藏如來授不瞬太子

撰述

模倣圖說卷之二

記名觀世音然則悲華與今經皆覆本垂跡之名

耳今得圓通卽太子後身也

天台曰夫緣塵緣心均一緣也緣塵則涉乎萬殊故其緣也勞緣心則返歸乎一理故其緣也逸況耳門三昧超勝餘門智照於境境照於智智照於智境照於境卽緣忘緣無待無對故稱爲圓照三昧而緣心徧得乎自在及其成業故觀音名徧十方界

放光現瑞印可十初光灌佛頂

○爾時世尊於師子座從其五體同放寶光遠灌十

方微塵如來及法王子諸菩薩頂彼諸如來亦於五

體同放寶光從微塵方來灌佛頂○并灌會中諸大

二井灌衆會

四寶光交互

三無情說法

五眾會獲益

菩薩及阿羅漢○林木池沼皆演法音○交光相羅

如寶絲網○是諸大衆得未曾有一切普獲金剛三昧

六雨雨寶花

七空

○卽時天雨百寶蓮華青黃赤白間錯紛糅○十

成寶色

方虛空成七寶色○此娑婆界大地山河俱時不現

九國土合一

十梵唱敷奏

○唯見十方微塵國土合成一界○梵唄詠歌自然

撰述

敷奏

孤山曰。寶光交照表自他之理互融。林木演音顯依正之性不二。印前所證盡契佛心。溫陵曰。前說圓通之法。此顯圓通之瑞而應之也。諸佛五體同放寶光者。表證性明極。則寶覺圓融全體發現也。互相灌頂者。頂爲圓極之相。表諸佛證性圓極若。

此會中菩薩羅漢卽二十四聖之儕。佛光亦灌其頂者。印其修證等無優劣也。林木池沼皆演法音。交光相羅者。圓通旣現前則一切聲是佛聲。一切色是佛色。無非悟入之處。無非圓通之理也。大衆普獲金剛三昧者。因此皆能破惑障悟圓通也。天雨寶華。空現寶色。地隱山河界含塵刹。表證圓通。

性則無作妙行。自然分披寶明空覺。自然發現。有爲習漏。當不復生。衆塵廓然無復隔越也。梵唄詠歌。自然敷奏者。能使法界永離衆苦。常得妙樂也。

聖人所演圓通法門。與旨妙利。詳悉若此。故衆瑞

詳而應之。

天台曰。現瑞印可其相有十。一光灌佛頂瑞。二并灌衆會瑞。先從五體放光者。即六根之光。無所而不放也。遠灌十方。如來菩薩之頂者。表此耳根法

門。無非佛之知見。無上頂法也。彼諸如來。亦如放光來灌佛頂。并灌衆會者。表諸佛道同果。因一契也。論菩薩非無此光。正顯圓通法門。乃極果所宗也。此爲自他交互對。三無情說法瑞。卽林木池沼。皆演法音。所謂圓通。旣現前一切色是佛色。一切聲是佛聲也。四寶光交互瑞。表生佛之理本同。自他之智不隔也。如一室之千燈。帝網之千珠。彼此互融。重重無盡也。此爲依正圓融對。五衆會獲益瑞。言一切普獲金剛三昧者。顯無情際。此尚能說法。清衆隨聞。豈不獲證。六天雨寶花瑞。表在會獲益者。皆得證入。四十位真因。莫不因超果海果微因源也。此爲法位相應對。七空成寶色瑞。表證圓通後。十方虛空悉皆銷殞化爲寶覺。真空也。八山河不現瑞。表諸根圓脫。內瑩發光。浮塵世間。諸變化相。如湯消水。應念化成。無上知覺也。此爲空界俱銷對。九國土合一瑞。表發真歸元之後。染情空界既無。非性具而身土彌顯。十方微塵國土。合成一界。則惟一實報莊嚴淨土矣。十梵唄敷奏瑞。

撰述

梵唄歌詠皆樂器也。樂者樂也。使人聞樂而快樂也。表發真歸元之時。圓證涅槃妙樂也。此爲身土相稱對。初對表能詮妙次對表所詮妙。又次對表因行妙。又次二對表果證妙。空界則表真空。身土則表妙有。一期現瑞表報足以該括全經矣。

○於是如來告文殊師利法王子汝今觀此。二十五

無學諸大菩薩及阿羅漢各說最初成道方便皆言

二示彼道齊

修習真實圓通。○彼等修行實無優劣前後差別

吳興曰。夫如來藏性元無異乘。以根有利鈍故教

分大小約三諦言之則小教所詮者真也。大教所

詮者中也。而此真中徧在一切俗諦之上。卽前所

悟十八界及七大也。當知三諦具足名如來藏。俗

諦不空。真中俱空。故二十五聖中。凡聲聞所證或

析俗見真。或體俗見真。皆分入空藏也。菩薩所證

或離俗顯中。或卽俗顯中。皆全入空藏也。今以藏

接述

校讎印

性融會全分無差。卽同法華開方便門示真實相。決了聲聞法是諸經之王。

天台曰。彼等修行實無優劣。前後差別。吳興師所釋極當。但以此經判同法華爲謬爾。卽如余判。同於方等亦以藏性融會全分無差。蓋藏性如堂奧。而亦有淺深。豈以淺深而異堂奧乎。第以堂奧淺深雖同。而入門者不無遲速。下以遲速者令文殊揀之。旣日劫而相信。又不能不揀選也。

三述意含商二初現住當根

二未來易

○我今欲令阿難開悟二十五行。誰當其根。○兼我滅後此界衆生入菩薩乘。求無上道。何方便門得易

成就

吳興曰。上從證性會同圓通。今爲逗根。令簡方便。性如華屋根如入門。若得其門。方受其賜。世人以解爲證。請思最初入道方便。與二十五聖孰爲其倫乎。

○文殊師利法王子奉佛慈旨。卽從座起。頂禮佛足。

二受命請辭二初叙敬儀

標題

大藏山道場卷之六

四六

承佛威神說偈對

吳興曰。此下欲闇圓通先明覺性次辯迷妄後示歸元於歸元中。逸耳根爲易。文殊旣與觀音同證故奉慈旨有自來矣。

二正說偈二初頌真如不變之體以標真源

○覺海性澄圓。圓澄覺元妙

溫陵曰。此人人本來圓通者也。吳興曰。真覺之性

譬如大海澄湛圓融皆喻寂而常照也。復牒圓澄所喻之覺示其本來照而常寂故曰元妙。此類前文性覺妙明本覺明妙但法喻相參耳。

天台曰。釋偈爲二。初頌真如不變之體以標真源。二頌真如隨緣之能以明染淨。初中覺字標起一經所詮。常任真心。菩提涅槃元清淨體。卽四卷中性覺本覺是也。此爲一真法界之源。故以海而喻之。四河之水以達池爲源。達池又以四海爲源。故曰海有次德。萬流之所起。故萬流之所歸。故海有三德。水澄清故。量周圓故。印色像故。今正明體故略其用。以喻性覺。照而常寂故曰澄圓。寂而常照故曰圓澄。所謂性覺本妙明本覺必明妙。此卽三

撰述

標題圖選錄卷之

卷所明。性色真空。性空真色。清淨本然。周徧法界。
謂之真如。不變之體。文殊深領佛旨。先標起見道。
分中所明理體以爲下文修道分中。不變隨緣之。
張本。染得其本故可。卽染而淨。淨得其本故可。隨
緣施設也。

二頌真如。隨緣之能以明染淨。二初頌隨緣從源以出流。

○元明照生所。所立照性亡。迷妄有虛空依空立世

界。想澄成國土。知覺乃衆生。

孤山曰。元明照卽上本明之性也。真際曰。於彼元

明性上。妄生照用。而形所相。有相當情。無相卽隱。

故照性亡。龜興曰。二說節公爲長蓋。照字義通真。
妄。溫陵曰。性真旣隱。空覺遂分。根器二界。遂因迷。
頑妄想安立。故妄想凝結。則成無情國土。妄識知
覺。則成有情衆生。則彼澄妙者莫得而圓。莫得而
通矣。

天台曰。二頌真如。隨緣之能以明染淨爲二。初頌
隨染緣從源以出流。二頌隨淨緣從流以遡源。初

撰述

卷之六

三

中元明照。卽前文性覺必明也。若此元明之照。照而常寂。則何所之可生。惟其無始。但有性具之德。無有修成之功。於元明體上。妄生照用。則今照字。卽前妄爲明覺也。因有能明之照。以照所照之境。則今之所照。卽前因明立所也。所相既其當情。能照亦復隨隱。乃墮於無記。故曰照性亡。卽前文晦昧是也。自是已後。則無同異。中纖然成異。彼所異。因異立同。故曰迷妄有虛空。依空立世界。同異發明。因此復立無同無異。故曰想澄成國土。知覺乃衆生。吳興熏聞記云。想澄成國土。知覺乃衆生。謂情與無情。皆妄想所成。如天親說。有分別。及無分別。皆名爲識。有分別名識。識無分別名似塵識。今想澄成國土。卽似塵識也。知覺乃衆生。卽識識也。宗惟識者。但謂此識不與真如同。以一心爲源。故說真如無覺無知。凝然不變。不許隨緣。唯談八識。生起諸法。由是與法性宗義同木火。若曉今家破四性已隨宜。而說情通妙契。譯計咸失。文此科名爲隨染緣。從源以出流者。厥源有二。一真。一妄。

元明卽真也。照卽妄也。古德所謂單真不立。獨妄難成。要真如與無明。不生滅與生滅。兩法相合。方能生起諸法。亦卽前文。識精元明。能生諸緣。蓋真如不變之體。如君子不器。善惡皆能。今隨染緣。是爲能惡。惟其皆能。乃不變而隨緣。故後從流遡源。反妄歸真。謂之了達隨緣而不變。教門明全性。以起修。全修而在性。蓋得乎此。此爲修大定者。大關節。要是不可不知。故約經義。而科之。若此。

二頌隨染緣從流以遡源。二初領酬通請見道而後修道。二初領見道而開解。

○空生大覺中。如海一漚。發有漏微塵。國皆依空所生。○漚滅空本無。況復諸三有。

二頌隨淨緣從流以遡源。二初領酬通請見道而後修道。二初領見道而開解。

溫陵曰。牒上以明迷澄圓而成根器。根器則歸

澄圓也。大覺海中本絕空有。由迷風飄鼓妄發空
漚。而諸有生焉。迷風既息。則空漚亦滅。所依諸有
遂不可得。而空覺圓融復歸元妙矣。諸三有指微
塵國土中三有也。吳興曰。有漏兼有情。三有含情
器。長水曰。漚滅下如云。一人發真歸元。十方虛空
悉皆消殞等。

天台曰。二頌隨淨緣從流以遯源爲二。初頌酬通
請見道而後修道。二頌酬別請見道而後修道。初
中前四句頌見道而開解。後二句頌修道而證果。
蓋衆生未見道時。非惟迷其萬法本空。抑且昧其
物大已小。蓋此二迷。展轉相因。而有。惟其不了萬
法本空。故有天有地。有依有正。一墮於有。則謂依
大正。小身大心小。所謂一迷爲心。決定惑爲色身
之内是也。能見道者。則了覺海性澄圓。圓澄覺元
妙。從大覺而生虛空。依虛空而立大地。依大地而
安立衆生。所謂不知色身外洎山河虛空大地。咸
是妙明真心中物。譬如百千澄清大海棄之。惟認
一浮漚體。目爲全潮。窮盡瀛渤。故曰空生大覺中。
如海一漚。發有漏微塵國。皆依空所生。此中且破
其物大已小。若破萬法皆有。又在下二句也。後二
句頌修道證果中。漚滅空本無。况復諸三有者。前
文云。今汝諸根若圓拔已。內瑩發光。如是浮塵及
器世間。諸變化相。如湯銷冰。應念化成。無上知覺。
後文云。一人發真歸元。十方虛空。悉皆銷殞。何況

撰述

校勘記述錄卷六

五
十一

空中所有國土滅滅方爲修道滅滅正言證果此二句正破於有有破則萬法之體空體空則大小之計忘惟一實覺真心本元之性歸矣

○歸元性無二○方便有多門○聖性無不通順逆

溫陵曰：二十五聖同一圓通，所謂無二。所謂多門。

在乎聖性逆順皆通不容料據。其如初心遲速異

宜故須選擇也。孤山曰：觀音耳根則順，餘聖諸根

則逆蓋對此方之機說也

天台曰。二頃酬別請見道而後修道爲二。初商非二頃是。初爲二。初總述意。二別商辯。初爲二。初明理無殊。二明須商所以初爲二。初須所歸之性無殊。卽歸元性無二也。二頃能歸之門有異。卽方便有多門也。歸元屬理。理性何殊。方便隨機。機宜不等。然理乃不變之性。門乃所隨之緣。知不變而隨緣。則理隨於門。不二而二。知隨緣而不變。則門隨於理。二而不二。如此會得。方可修道。三明須商所以二。初約諸聖實無差殊。二明對機則有優劣。初有二義。一以人人法殊故非一槩。此約差別言之也。一以佛赴宿根。隨其宜樂。此約無差言之也。故曰。聖性無不通順逆皆方便。次亦二義。一以末世修行不能擇機。一以所赴宜寬。一切可入。故曰。初心入三昧遲速。不同倫。下去明第二別商辯爲

四初蘭觀六塵二箇觀五根三箇觀六識。四箇觀七大須知諸聖圓通本根有法勝而證劣者。如那律見性洞然是如來前經極所顯發而但證四果非證劣乎。有法劣而證勝者。如藥王味塵等。比見性爲甚劣然已深入圓位。非證勝乎。是則法門苟勝。凡聖而亦與同途。比科甲既高童耆而亦與同籍。若文殊所揀。則惟憑一是而槩揀乎百非。雖老宿亦拱手惟命矣。偈凡四句。上二句乃以非而揀非。第三句乃以是而揀非學者宜略所非而存所是知耳。根法門不啻圓通常三德而已。要當與圓覺而併進也。

二別蘭觀四初蘭觀六塵

○色想結成塵精了不能徹如何不明徹於是獲圓通音聲雜語言但伊名句味一非含一切云何獲圓

通香以合中知離則元無有不恒其所覺云何獲圓

通味性非本然要以味時有其覺不恒一云何獲圓

通觸以所觸明無所不明觸合離性非定云何獲圓

通法稱爲內塵惠塵必有所能所非徧涉云何獲圓

通

溫陵曰。憍陳那大迦葉等各因六塵悟圓而此皆

揀去者。彼所謂聖性無不通。此所謂初心不同倫。

則凡所不取皆以不宜初心意取耳。根獨宜也。今揀六塵以色能起想結塵使精性不徹聲唯局名句味不該不徧味意味也。伊猶惟也。香味觸如文法塵非相獨意能緣內潛意根故稱內塵。孤山曰。問陳那悟聲塵與觀音耳根其義相類何故文殊

簡以爲非荅聲是佛語根乃自心認塵則著他語言觀根則了已心性是以聞聲亦爲所簡

荊公曰。名詮自性。如云火。祇詮得火。更不詮水風等。并是何火等。句詮差別。卽是炭火。艾火等。文卽是字爲二所依。古以文爲味者字能顯。二如味能顯。食中之膩淡也。法塵爲所緣意爲能緣。但心無並慮。如緣善心數。則不能緣惡故曰非徧涉。旣非徧涉於凡夫法。豈獲圓通。若在迦葉圓通。則曰妙法。開明豈可斥曰能所非徧涉乎。

○見性雖洞然明前不明後四維虧一半。云何獲圓

撰述

一板解圓通卷六

通鼻息出入通。現前無交氣。支離匪涉入。云何獲圓通。舌非入無端。因味生覺了。味亡了無有。云何獲圓通。身與所觸同。各非圓覺觀。涯量不冥會。云何獲圓通。知根雜亂思湛了。終無見。想念不可脫。云何獲圓通。

通

溫陵曰。鼻闕中交。故云支離。舌不因味。而能覺了。

乃爲無端。吳興曰。舌根爲識所依。亦名舌入。今文語倒。但是舌入非無端耳。內身外物能所相觸。文有覺觀。離中則無故。云各非等。若謂合中有者。其如物非體。知成敵兩立。故云涯量等。湛了終無見。如精了不能徹也。以雜亂思於湛了性。終無能見。天台曰。見性雖洞然。遵佛顯發而深許之也。明前不明後。四維虧一半。遵佛所說。前方全明。後方全暗。左右傍觀三分之二。而少蔽之也。以此而言。則

撰述

林廣道藏本

卷一

文殊凡蘭皆在初機。若少得禪定。則十方洞達。況聖性乎。逆順皆方便。深有味乎言之也。

三論觀六識

○識見雜三和詰本爾非相。自體先無定。云何獲圓通。

心聞洞十方生于大因力。初心不能入。云何獲圓通。鼻想本權機。只令攝心住。住成心所住。云何獲圓通。說法弄音文開悟先成者。名句非無漏云何獲圓通持犯。但束身非身無所束。元非徧一切云何獲圓通。

通神通本宿因。何關法分別。念緣非離物。云何獲圓通。

構李曰。論云二和生識。謂根境和合識生其中。今

言三和者。能所合說也。溫陵曰。三者和合窮之本

自無體。故曰非相也。普賢用心聞故。能知他方沙

界外事。此由修法界行。大因所生。非初心能入也。

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

孫陀散亂佛欲攝住其心令觀鼻端此特權機而已蓋真心無住有住則妄矣吳興曰舌識開悟乃是先曾成就音文之者如富樓那從曠劫來辯才無礙佛教說法成阿羅漢豈非開悟先成者邪然其所說名句之體且非出世無漏之法斯亦一非含一切是故蕩之間波離執身次第執心俱得通利今何但云束身而已荅聲聞執心亦防六聚七支之非况今言身識在其中矣目連神通由宿習所得雖云旋湛心光發宣非關於法分別而現又小乘神通皆是作意緣物則有離物則無

天台曰諸聖圓通有仰不可攀者心聞洞十方生於大因力是也俯非其宜者餘門是也惟觀音法門適當於不必俯仰之間而上可臻於等覺下可被於初心可以長修學誠所謂淺深同說法者也

一標題

四箇觀七大

五



○若以地性觀。堅礙非通達。有爲非聖性。云何獲圓。

通若以水性觀。想念非真實。如如非覺觀。云何獲圓。

通若以火性觀。厭有非真離。非初心方便。云何獲圓。

通若以風性觀。動寂非無對。對非無上覺。云何獲圓。

通若以空性觀。昏鈍先非覺。無覺異菩提。云何獲圓。

通若以識性觀。觀識非常住。存心乃虛妄。云何獲圓。

通諸行是無常。念性元生滅。因果今殊感。云何獲圓。

通

溫陵曰。持地平填尚涉有爲。非實聖性。月光水觀。

未離想念難契。如如蓋如如之理。非覺觀之法故。

也。烏芻瑟摩聞說欲火而生厭離。是厭有也。琉璃

光觀風性動。則與寂對有對非覺也。晦昧爲空故。

撰述

卷之六

三

卷之六

云昏鈍彌勒修惟識觀而所觀之識念念生滅存

心觀之已妄況獲圓通邪吳興曰勢至念佛都攝

六根所念之境必通三身然其母子相憶之喻多

就應身而說是故指同無常生滅豈以此因而感

常住不生不滅之果乎已上二十四聖皆由所得

圓通本根非此土當根乃爲所簡須知簡聖全是一

簡機豈文殊之有慚心諸聖之有慚德古謂此等

龍門點額寧不長吁者鄙哉

天台曰二十四聖其猶久病成醫固不可以一方而遍療衆病觀音菩薩其猶以還丹而治他自治卽一劑而可遍療衆病然觀音法門固神妙而獨擅乎當行卽諸聖圓通亦不無對治之一略文殊所揀則以觀音之全是而概揀乎百非以諸聖之一非而槩隱其百是正如醫方精練觸諸多端豈非諸聖之各墮一非而爲觀音耳根法門之百忌乎後之修圓通者固當存所是而去所非不惟當根精明卽諸聖法門亦俱備我藥籠爲不時應病之所需也前釋二十四門一一精詳意在乎此是則觀音法門不惟圓通常而已以色想爲耳根之所忌則精了不能徹者非圓通也以音聲爲耳根

撰述

校勘通鑑卷

之所忌則一非含一切者。非圓通也。以香塵爲耳根之所忌。則不恒其所覺者。非圓通也。以味塵爲耳根之所忌。則其覺不恒一者。非圓通也。以觸塵爲耳根之所忌。則合離性非定者。非圓通也。以法塵爲耳根之所忌。則能所非偏涉者。非圓通也。以見性爲耳根之所忌。則四維虧一半者。非圓通也。以鼻息爲耳根之所忌。則支離非涉入者。非圓通也。以舌根爲耳根之所忌。則味亡了無有者。非圓通也。以身根爲耳根之所忌。則涯量不冥會者。非圓通也。以知根爲耳根之所忌。則想念不可脫者。非圓通也。以眼識爲耳根之所忌。則自體先無定者。非圓通也。以耳識爲耳根之所忌。則初心不能入者。非圓通也。以鼻識爲耳根之所忌。則住成心所住者。非圓通也。以舌識爲耳根之所忌。則名句非無漏者。非圓通也。以身識爲耳根之所忌。則元非徧一切者。非圓通也。以意識爲耳根之所忌。則念緣非離物者。非圓通也。以地性爲耳根之所忌。則有爲非聖性者。非圓通也。以水性爲耳根之所

忌。則想念非真實者。非圓通也。以火性爲耳根之所忌。則厭有非真實者。非圓通也。以風性爲耳根之所忌。則動寂非無對者。非圓通也。以空性爲耳根之所忌。則昏鈍先非覺者。非圓通也。以識性爲耳根之所忌。則觀識非常住者。非圓通也。以根性爲耳根之所忌。則因果今殊感者。非圓通也。學者故當去其所當忌。而取其所不當忌。則不惟耳根法門之藥性精練。而百病銷除。卽性覺妙明之本體元神。亦無德而不備矣。

二顯光初發明此士入道所宜三初明所應國王三明所宜教體

音聞○欲取三摩提實以聞中入
我今白世尊佛出娑婆界○此方真教體清淨在

三明入道之門

吳興曰教體應具聲名句文。今言音聞者。以聲是

實法。餘三是假攝。假從實故。但云音。音卽所聞之

境。聞卽能聞之根。舉所顯能。而正示聞性。故云欲

取等。溫陵曰。聖人設教。隨方不同。或有佛土。以佛

光明而作佛事。或有佛土。以佛菩提樹而作佛事。

乃至或以園林臺觀。或以虛空。或以寂無說示。如

香積佛國無文字說。但以衆香令諸天人得入律

行。而此方教體必藉音聞。欲取正定。必由聞入者。各隨機緣故也。蓋彼諸佛土無非利智。故機緣默契出乎言象。而堪忍衆生迷本循聲。昏惑障重。必藉聞熏聞修。以銷塵除障。然後可入。然以聞爲入者。特得其門而已。必期於遺聞反聞。然後爲至也。夫至於遺聞反聞。則佛光明菩提樹乃至寂無說。

撰述

校勘圖書卷之二

示處皆可入矣。曹溪少室固以是爲佛事也。

天台曰。正顯是中。凡有七科。今先泛明此土入道所宜爲三。初明所應國土。卽初二句偈。二明所宜教體。卽中二句偈。三明入道之門。卽後二句偈。文殊欲明揀聖之所以。故告白佛言。佛出娑婆界等意。言佛之垂應說法。必隨衆生所宜。今旣出於娑婆。則衆生之所利者耳。根所宜者聲教。其於教體又有真假之殊。若夫以聲名句文爲教體者。此出於尋常。蓋假教體也。謂之假者。猶涉於思惟。墮於分別。不足爲之清淨。今則正明真教之體。乃藉音以顯聞。由聞以入道。如是教體。則直顯性明。頓契寂滅。不涉理路。不落言詮。故曰。此方真教體。清淨在音聞。欲取三摩提實。以聞中入。文中明入道之門。展轉揀去。其意有四。初明藉假顯真。以當文言之。則文殊之所宣說者。假教體也。依教而奉行。藉音以顯聞。真教體也。欲取三摩提實。以聞中入。則

遺音而獨取其聞。及其至也。真聞亦遺。方得名爲真三摩提。斯得魚而忘筌也。

二約離苦得樂人法。四初明自利行妙。

二明利他行妙

○離苦得解脫良哉觀世音○於恒沙劫中入微塵

佛國得大自在力無畏施衆生○妙音觀世音梵音

四結二利俱妙

海潮音○救世悉安寧出世獲常住

溫陵曰。初聯總歎觀世音。脫苦與樂也。於沙劫

入塵國歎三十二應也。得自在施無畏歎四不思

議十四無畏也。妙音觀音歎隨德之名也。梵音潮爲觀音。性無著爲梵音。應不失時爲潮音。未聯

總歎衆德能救世間苦。能與出世樂也。

天台曰。二的明離苦得樂。人法四初離苦得解脫。二句歎美耳門人法。明自利行妙也。此承上章。既此方教體與入道皆在音聞。則欲脫生死之苦。得解脫之樂。無愈於耳根圓通。故曰良哉。觀世音也。論二十四門。豈不令人離苦而得解脫。但入涅槃

者不易。而離苦者。糾迴。惟此耳門。理圓法妙。契理當機。能依此修。一超直入。故因法讚人也。如此。要知此二句。包得觀音所陳法門盡。如所入既寂。動靜二相。了然不生。則解脫前塵。離所偶黏縛之苦。如是漸增聞所聞盡。則解脫內根。離能偶大患之苦。盡聞不住。覺所覺空。則解脫觀智離闇心之苦。空覺極圓。空所空滅。則解脫諦理。離重空微細生滅之苦。如此重重脫去。人執法執。生滅既滅。而寂滅現前。成真解脫。故能超越世出世間。獲二種殊勝也。次四句。明利他行妙於恒沙劫中者。明成道已來。利物時長也。入微塵佛國者。應身處遍也。蓋自依常心以修常行。以常行而證常果。從法起應。導利羣品。則盡未來際而不窮。徧微塵國而無限。或以三十二應身。或以十四種無畏。或以四不思議。莫非得大自在力。以無畏施衆生也。妙音觀世音。梵音海潮音者。約法歎人妙也。初二音。明自利妙。始則藉音顯聞。不墮塵妄。因是音以成妙音。當時能所圓融。有無兼暢。照窮性相。察其本末。成

撰述

大藏圖書館

觀世音。如法華之明妙音。以十萬伎樂供養雲雷音王。非以因而克果乎。此經明觀音入流亡所。豈非亦以因而克果乎。故此二音成自行妙。次二句明果上利他妙。說法音聲無有滯著。名爲梵音。應不失時。圓徧十界。名海潮音。蓋言普門之爲音者。妙音也。觀世音也。梵音也。海潮音也。惟其如此。故救世令衆生悉獲安寧。出世令已躬賴獲常住。此結成二利俱妙也。

三正明觀音所修法門三初約人總指二約德別示三初明圓德

○我今啓如來。如觀音所說。○譬如人靜居。十方俱

擊鼓十處一時聞。此則圓真實。○目非觀障外。口鼻

亦復然。身以合方知。心念紛無緒。○隔垣聽音響。遐

二明通德二初明五根不齊之相二明耳根通之真實

遍俱可聞。五根所不齊。是則通真實。

孤山曰。口鼻身俱合中知。若將身以合方知。局

口鼻上。其義方順。蓋語倒耳。吳興曰。此明圓通。且

寄耳用。以顯聞性。異於五根也。用有時方遠近之

量。恐未達者。謂之無常。故有下文明常真實。

天台曰。此下入偈半。正明觀音所修法門。初二句約人總指次。辭如去。約德別示有三。初明圓德。二

接述

卷之二

六三

明通德。三明常德。通德中爲二。初明五根不齊之相。二明耳根通之真實。明常德中二。初寄聲顯常二寄夢顯。常初中辟如者。比况也。詮量也。如虛空無丈尺。丈尺顯虛空。佛性亦然。餘之根塵等法。不易詮顯德量。文殊乃以耳根易詮顯者。以比量之。如佛性圓徧寄於耳根。凡夫現量孰能知之。故約晏居靜無邊際時。以動若邇遐。十方俱擊鼓。十處一時聞者。而詮顯之。則圓真實者見矣。不獨此也。其有通真實者。則以隔垣聽音響。返邇俱可聞者。而詮顯之。常真實者。以音聲性動靜。聞中爲有無。無聲號無聞。非實聞無性者。而詮顯之。故此二字直貫下三。正動樹以訓風。非舉扇以類月。故曰。比况也。詮量也。若夫性之真實圓通。如虛空之本。非方圓大小者。不以十方不擊鼓而不圓。不以隔垣無音響而不通。不以音聲性無生滅而不常。昭昭乎心目之間。蕩蕩乎喚聞之際。圓則無去來。通則無壅塞。常則無生滅。此常住真心性淨明體。又無乎而不在無乎而不遍。然而圓卽通也。通卽常也。

舉一卽三也。言三卽一也。如摩尼寶珠。卽此體而性圓周徧。卽此體而瑩徹。融通。卽此體而堅固。具寶。以其寶而爲之性。以常徧瑩徹而爲之德。常徧瑩徹。故真如有不變之體。具足衆寶。故真如有隨緣之用。今文三德。則正言其不變。若隨染緣。則衆生日用。循聲以分別。隨淨緣。則觀音果後尋聲以救苦。經明三十二應。十四無畏。四不思議。莫非其事。若夫不變隨緣。隨緣不變。在觀音淨用。固不必論。至於衆生。循聲分別染用。又何嘗異。圓通常之三德。會事以卽理。循用而歸體。變染緣而爲淨緣。又在菩薩道者。革凡以成聖也。

○音聲性動靜聞中爲有無。無聲號無聞非實聞無

三明常德二初寄聲顯常

撰述

上寄夢顯常

實○縱令在夢想不爲不思無覺觀出思惟身心不能及

溫陵曰動靜有無皆屬聲塵耳根圓離不隨生滅是則常住之真也。無聲號無聞指阿難聞鐘事也。縱令下讚顯常性也。五根皆待意思有無不常。惟耳在夢能聞杵音是不爲不思而無也。其爲覺觀

乃出乎思惟勝餘根矣

三約功過結二初約土明教

二寄過顯德二初泛以衆生顯

○今此娑婆國聲論得宣明○衆生迷本聞循聲故二的以當機顯

三以德過結

流轉○阿難縱強記不免落邪思○豈非隨所淪旋

流獲無妄

溫陵曰聲論者依聲論明本聞自性以覺迷本循聲妄取滄替者如阿難者徒事強記誤落邪思豈

撰述

西漢書

卷五

非爲循聲之所流轉邪。使能旋流返聞。則無妄淪矣。娑婆學者多徒事強記落邪淪妄。不知返本故託阿難以警之。天如補註曰。佛命文殊於二十五行選蘭當根使阿難開悟文殊說偈對佛。至此蘭根旣畢。下乃宣告阿難。以及大衆。發明旋倒聞機。反聞自性之說。是亦密奉如來開悟之慈旨也。後

至誠如佛世尊下復結歸對佛之辭。以終偈焉。

天台曰。三約功過結爲三。初二句約土明教次四句寄過顯德次二句以德過結聲論宣明。不獨指佛所說法。與耳根法門。凡是世間一切道理。一切識心從聲論宣明者多。惟其如此。是故可以因之而縛。可以因之而脫。如曰衆生迷本聞循聲故流轉。非因之而縛乎。旋流獲無妄。非因之而脫乎。邪思惑。即下文欲漏也。思惑分三界九地。每地九品。上二界各四地。七十二品。欲界一地。得九品。斷此一地方絕欲之根本。證斯陀含阿難方證初果。欲本未除。故不能免摩伽邪思之所牽。特言邪者。對正言之也。須陀洹人。邪三毒已盡。惟正三毒在。登伽梵鄙。故是邪思所謂心雖清淨。力不自由。此謂以思合思。以欲合欲。其若不令亦無柰我何。如此曰衆生迷本聞循聲故流轉。非以合之之故乎。文著落之一字。如禽魚之欲。翔潛而頓落。四面之網

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

相應圖說卷之二

苟能時時返聞。則邪咒之術。亦不得其便。所謂旋流獲無妄也。

四誦勑當機諦聽學行二初今生開慧二勑令諦聽

○阿難汝諦聽我承佛威力宣說金剛王如幻不思議佛母真三昧汝聞微塵佛一切祕密門欲漏不

二破其妄聞

先除畜聞成過誤將聞持佛佛何不自聞聞

溫陵曰金剛如幻三昧卽觀音如來所授如幻聞熏聞修金剛三昧也三世諸佛皆從此出故名佛

之言教何不反聞自性以求解脫乎上聞能聞之智下聞所觀之理

天台曰四誦勑當機諦聽學行爲二初今生聞慧爲二。勑令諦聽金剛王下三句與五卷歎法體義同而意別義同中惟以佛母易妙蓮華同是讀中道妙止意別者前是歎通請三止今是歎別請三止若通別合用此又不同而同也諦聽之語誠聽前偈已宣之法亦誠聽後偈未宣之法歎中亦然如前之三德後之令人流亡所真證滅幻是也次破其妄聞文有六句似亦照映首卷當機請辭而說意言向恨無始一向多聞非汝聞微塵佛一

接述

楞嚴經卷第十一

卷十一

一切秘密門乎。未全道力者。正以欲漏不先除。畜聞成過誤也。殷勤啓請十方如來。得成菩提。楞嚴大定。豈有他法哉。祇問汝之妄聞。以爲真聞。卽圓融三止也。二佛字。上言人。下言法。謂佛所說秘密法門。皆以自覺轉以覺人。是佛之佛。非汝佛也。若自聞聞。方是汝之佛佛故。曰將聞持佛佛。何不自聞聞。上聞始覺。下聞本覺。始本相契故。曰聞聞。此又明指聞性。卽本覺佛性。入流卽始覺佛性也。

云生修慧二禪空入流所

○聞非自然生。因聲有名字。旋聞與聲脫能脫復誰名。○一根旣返源。六根成解脫。

吳興曰。上旣警其自聞。今乃略示修相。先指妄聞

二示真證滅幻三初法說三德示一解六亡

非無緣生生必藉因。因卽聲教。當以三慧。旋此根

境。俱令脫粘。所脫旣銷。則能脫之慧復何名狀。

天台曰。二令生修慧。二初令入流。二所光明能詮教體。所謂清淨在音聞是也。然特能詮而已。若復執筌爲魚。非惟得其魚。亦復不棄筌。何以故。聞非自然生。因聲有名字故。是以修圓通者。初則藉聲顯聞。次則聲聞俱脫。卽能脫者亦亡。此文殊爲觀音。重明入流。二所四節工夫。旋聞與聲脫。卽亡前塵。盡內根。也能脫。欲誰名。卽空觀智滅。諦理也。一根旣返源去。二示真證滅幻。有法喻合。法中先示一解。六亡者。六根之六也。元依一精明。分成六和合。故一解而六亦解。然六雖解。而尚有精明之一在。必至斯臻其奧矣。

標記

標記

二示情虛理實二初明情虛

三示破顯功能二初明解脫力用

二明理實

二明離苦力用

○見聞如幻翳三界若空華○聞復翳根除塵銷覺

圓淨○淨極光通達寂照含虛空○却來觀世間猶

如夢中事。摩登伽在夢誰能留汝形

溫陵曰。見聞幻翳通指妄根也。三界空華通指妄境也。以皆妄故。聞復則翳除。塵銷則覺淨。所以一返源而六解脫也。淨極光達寂照含虛根解脫也。

却觀世間猶如夢事。境解脫也。然則摩登正爲夢境了不可得。誰能留汝使不解脫哉。

天台曰。二示情虛理實前色陰文云。譬如有人。以清淨目觀晴明空。惟一晴虛。迥無所有。其人無故不動目睛。瞪以發勞云云。正以幻翳。喻衆生六根。以空花。喻三界色陰。翳幻故。見聞之情本空。花空故。三界之相不實。惟其如此。故翳易除。而塵易銷。蓋見聞生。而塵勞起。見聞復。而塵勞銷。成功之速。捷如桴鼓。然情雖虛。而理則不虛。故虛情銷。而實理現。故曰。聞復翳根除。塵銷覺圓淨。及其淨之極也。則常光現前。而四通八達。皆吾寂照本有之覺。卽虛空之太。尚亦含之。矧空中所有物乎。此明解脫功力。有如是之勝。以此解脫。而應諸世間。謂之却來。却來者退而復來也。行者則逆流而進。菩薩

撰述

則順流而退。以解脫三界之人。退入三界。觀諸末解脫者。所謂彼塵勞內。我妙覺中。正如以醒人。觀夢人。不獨登伽。不能留汝形。且將喚之與之俱醒也。如一姪女。始觀阿難。戀戀不捨。次觀如來。亦戀戀不捨。佛知機熟可度。乃化一奇男子。形色姝好。勝於前人。女人戀戀之情甚。前化人以多方之力。化之使於貪欲生大厭離。求佛度脫。佛爲說法。得證道果。此自覺覺人之明證也。

二喻說二初喻依真起妄幻化不實

○如世巧幻師。幻作諸男女。雖見諸根動。要以一機抽。○息機歸寂。然諸幻成無性。

吳興曰。幻師譬真如。幻作譬隨緣真妄和合變成

六根如諸男女。一機卽耳根也。應以旋聞聲脫爲抽。

天台曰。二喻說爲二。初四句喻依真。起妄。幻化不實。次二句喻反妄歸真。幻成無性。旣曰巧幻師。之所幻作。則非機關木偶。若傀儡然。實有一物。一機之所抽動。正取西天幻師。無而化有。或男或女。其狀百出。然所化男女。本無有機。而機在幻師之術法。爾術法施。則諸幻成。術法息。則諸幻滅。幻師衆生也。幻機。喻俱生無明也。乃喻衆生根塵情虛無實。可以生。而可以滅。如識精元明。能生諸緣。卽諸幻可生也。見見非見聞。聞非聞。卽諸幻可滅也。前文云。狂心若歇。歇卽菩提。同此意。吳興謂一機卽耳根。則法不稱。喻喻之一機。乃關捩子。以合法應是言。心所謂元。依一精明。分成六和合。是以

按述

卷之二

也。一處成休復。亦是言心經意正明別從耳門而歸元。以息乎總中之一心然後可。言息機歸寂然諸幻成無性也。

三空法二初合依真起妄

二合及妄歸真

○六根亦如是。元依一精明分成六和合○一處成休復。六用皆不成塵垢應念銷成圓明淨妙○餘塵

二初正明

二辨位

尚諸學。明極卽如來

吳興曰。一精明合前幻師妄爲能依。真爲所依。分成等。合文可見。溫陵曰。想塵識垢應念消亡。得妙

圓通矣。細惑未盡。曰餘塵分證未滿。曰諸學惑盡。明極卽如來矣。孤山曰。塵垢等二句。登圓初住。餘塵等二句。從分至極。

天台曰。三合法中分二。初合依真起妄。吳興謂一精明合前幻師妄爲能依。真爲所依。今爲釋成應以幻師喻真。幻法喻妄。所謂單真不立。獨妄難成。則精明者。識精元明也。二合反妄歸真。二初正明。一處成休復者。隨依一根。反妄歸真也。正以六種根性。怡怡和合聲應氣求前者。唱于而隨者唱。唱如兄弟之爲然。若一處成乎休復。則六用皆不能成。復還元真。發本明耀。故曰塵垢應念銷成圓明淨妙。餘塵下辯位可知。

挨述

五歎美法勝以寓勸修二初指法正勸

○大衆及阿難旋倒聞機。反聞聞自性。性成無上

道。圓通實如是。○此是微塵佛。一路涅槃門。過去諸

如來斯門已成就。現在諸菩薩。今各入圓明。未來修

學人當依如是法。我亦從中證非惟觀世音

溫陵曰能旋倒妄反聞自性必資此性成無上道

此圓通法門實効也

天台曰。五歎美法勝以寓勸修二初指法正勸。
 汝倒聞機此機字與前機字不同。前機通指無明
 識心此機別指耳。根能聞若元依一精明分成六
 和合又不同而同也。倒卽顛倒反聞聞自性其機
 則正隨聲以分別其機則倒倒則性迷於煩惱正
 則性成無上道。圓通之妙豈他法哉。故云實如是
 二歎法寓勸此是微塵佛。一路涅槃門二句總標
 過去等八句別開前六句約三世如來以勸修過
 去修此者已證佛果現在修此者亦成真因則未
 來修學者能依此法豈不成就菩提乎後二句約
 彼我菩薩以勸修意云而我文殊具足妙德既修
 此而成觀音菩薩成就大悲亦修此而證後之學
 佛欲究竟悲智者可不依此而修乎又此是微塵
 佛直約當土者言之以捨通從別故若以別從通
 則十方三世諸佛莫不從此一路而趣。一門而入
 也。一路涅槃門者如來證涅槃如家衆生入生死
 如客流浪生死則門之與路俱無今將反妄以歸
 真已得還家之捷徑。約喻爲言非惟門路義殊亦

二歎法寓勸

撰述

校讎實通疏

乃路先門後。今約法說。則門先而路後。如以耳根爲入道之門。初於聞中入流亡所。工夫四節。自淺之一深。生滅既滅。寂滅現前。非門先而路後乎。及其玄會不獨門路義同。抑且家客無二。其或不然。則從門入者。不是家珍。

因果相應義在乎此。

六述成佛意結示簡選三秘達意

○誠如佛世尊。詢我諸方便。以救諸末劫。求出世間人。

二顯是

三簡非

○成就涅槃心。觀世音爲最。○自餘諸方便。皆是佛威神。卽事捨塵勞。非是長修學。淺深同說法。

溫陵曰。成就不生不滅涅槃妙心。惟耳根爲最。餘

則佛之威神。加被令卽已事。而捨塵勞。非始終長修。淺深同說之法也。欲令其長修同說。無如觀音法門矣。如那律失明而旋見。畢陵觸刺而遺身。烏芻厭欲而登覺持地。待佛而銷塵。皆卽已事而已。吳興曰。謂此方所有。於諸方便而得悟者。由佛之力也。苟他土以餘根爲利。耳根爲鉢者。反顯可知。

撰述

大藏經卷之二

天台曰。涅槃心。卽三德秘藏。一經所詮。不外乎此。今於耳根。一門收盡。如入流亡。所入卽般若流。卽法身亡所。卽解脫舉一卽三。言三卽一。不前不後。亦不一時。如是悟去。斯可論道。此約是以顯是也。下箇非中。乃約非以顯是。蓋圓修法門。厥妙有二。一須因果名目相應。如四卷初決定中說。二須淺深。可以長修。蓋其餘法門。或淺位可修。深位不可。如優波尼沙陀修不淨觀等。或深位可修。淺位不可。如普賢心聞洞十方。生於大因力等。今耳根三昧。具圓通常。初心修此。尚與極果名目相應。况深位乎。

頂禮請加以明滅實四初頂禮一體三寶

二請加未來生信

○頂禮如來藏無漏不思議○願加被未來於此門

三讚美法門殊勝

無惑○方便易成就堪以教阿難。及末劫沉淪。但以

此根修圓通超餘者○真實心如是

四結成爾心無妄

長水曰。如來藏。卽一體三寶。具足無漏性功德。故真實心者。文殊指已。選圓通之心也。溫陵曰。真實心要。如是而已。

天台曰。頂禮如來藏者。文殊獨歸命乎。觀音所入之法寶也。證法名佛。未滿名僧。此爲一體三寶。約已顯者言之也。若約在纏言之。耳根空。如來藏爲佛寶。不空。如來藏爲法寶。空不空。如來藏爲僧寶。此二種三寶。皆清淨堅凝。常住不壞。不縱不橫。微

接述

妙深絕名無漏不思議。若出纏三寶則請其顯加在纏三寶則請其冥加。又在纏則惟冥而無顯出纏則冥顯而隨宜。今之行人聞此法門有無疑而樂修精進而弗已。皆一體三寶之冥加。文殊觀音之默祐也。

三時衆獲益四初阿難明家

○於是阿難及諸大眾身心了然得大開示觀佛菩

提及大涅槃猶如有人因事遠遊未得歸還明了其

家所歸道路

長水曰。阿難等方悟圓通從耳根入。猶未有證故

云。明了其家所歸道路吳興曰。不然。且第三卷阿

難偈云。銷我億劫顛倒想。不歷僧祇獲法身。洎弟

四卷請入華屋前云。聞佛示誨疑惑銷除心悟實

相至第五卷。如來偈後云。心目開明歎未曾有。及

請圓通。又云。我等今日身心皎然快得無礙。以前

兼此。凡經五番彰灼領悟。何總排云。未有證乎。圓

[標題]

[卷之三]

[三]

師判此爲阿難增道理必然矣。應知經家指妙覺
菩提涅槃爲家真修耳。根圓通爲路。若不爾者慶

喜之性幾乎檮昧也。

天台曰。觀佛菩提及大涅槃等者。如來於首卷。開二種根本。以明修圓行者。所當去取。於所當取中。卽第二根本。菩提涅槃。元清淨體。是則一經之所顯。與夫行門之所修。佛果之所證。一惟此理而已。今見道修道。三分已竟。故照映結成。以明阿難大衆聞經得益之相。論菩提及涅槃。元清淨體。則汝今者識精元明。能生諸緣緣所遺者。則尋常見聞。莫非此理。不遠而復妙在當人。而當機何其鈍置。方曰明了其家。所歸道路乎。第性雖相近。而習實相

遠。若廣額屠兒。放下屠刀。便預當來于佛之位。而阿難尊者。豈亦讓之。惟其發起此教。垂範後昆。解行證三。厥進有序。故經家所叙也。如此。此約迹言之。則長水所說爲當。若以本言之。實如吳興以真因爲路。妙覺爲家也。

[二卷晉入位]

○普會大衆。天龍八部有學二乘及諸一切。新發心菩薩其數凡有十恒河沙皆得本心。遠離塵垢。獲法眼淨。○性比丘尼。聞說偈已。成阿羅漢。○無量衆生皆發無等等阿耨多羅三藐三菩提心。

[三卷伽進果]

[四衆生發心]

皆發無等等阿耨多羅三藐三菩提心。

資中曰。莊嚴論。解法眼淨初地見道也。若依圓教。卽十住初心也。孤山曰。阿羅漢其名雖小。其證乃

圓準涅槃四依品第四依人。名阿羅漢。吳興曰。第

四卷指登伽方得三果。約圓位收之。卽七信以前。

此中若用四依判位。恐升之太高。以第四依人。住

十地故。祇應示作聲聞。同餘四住證阿羅漢。如涅

槃中聞常取果之比也。按天台釋法華分別功德。

品發菩提心。初入十信也。故仁王般若云。十善菩

薩發大心。長別三界苦輪海。溫陵曰。無等等者物

無與等。而能與物爲等。此得妙圓通上同下合之

德也。無量衆生皆發是心者。因聞是道。而希慕願

樂也。

撰述

本居宣長著

天台曰。觀時衆獲益。其進有階。始則阿難。明了其家所歸道路。人雖圓頓而位在解行明矣。次則普會遠塵離垢。得法眼淨。雖得本心。而位證小乘。明矣。又次則登伽破盡。思惑成阿羅漢。雖聞圓偈。而位入四果明矣。又次則無量衆生。皆發無上三菩提心。乃因聞是道。而希慕願樂明矣。若依諸師判入法華之後。而獲益之相。何爲不齊。有如是哉。正以此經。說在方等。聞常證小。其例甚衆。有不信。判此經歸方等者。幸以此文而著思之。以斷其疑可也。

爲末世行者明安立道場三務持根本大戒以固基址二務陳請初經家教

○阿難整衣服於大衆中。合掌頂禮。心迹圓明。悲欣交集。欲益未來諸衆生故。稽首白佛。○大悲世尊。我今已悟。成佛法門。是中修行。得無疑惑。○常聞如來

修心

說如是言。自未得度先度人者。菩薩發心。自覺已圓

能覺他者。如來應世。我雖未度。願度末劫。一切衆生。二延意正請

○世尊。此諸衆生。去佛漸遠。邪師說法。如恒河沙。欲攝其心。入三摩地。云何令其安立道場。遠諸魔事。於菩提心得無退屈。

吳興曰。悲欣者。悲昔不聞。欣今得悟。又念未來衆

撰述

大藏圖書

生未悟故悲觀現前大衆得益故欣也。菩薩四誓以度人爲先。如來十號以應世爲本。當知五住空盡二死未亡。方云得度。今阿難雖深破無明。而現居分段故曰未度。溫陵曰。阿難將以是法度人。而恐末劫多難邪魔妄作。易退覺心難入。正定故請攝心遠魔。安立道場清淨軌則也。

天台曰。經自四卷。請入華屋以來。屬第二依常住真心。以修圓行。科分爲二。初爲當機。阿難明最初方便竟。此去乃爲末世行者。安立道場。又分爲三。初持根本大戒。以固基址。二誦楞嚴神咒。以治習氣。三明建立道場。以勵進修。初陳請中。經家敘心迹。圓明心者。涅槃妙心也。跡所明道路也。卽下文我今已悟成佛法門是也。餘如舊說。邪師說法。如恒河沙者。論安立道場必先依此經。以開圓解。又何邪之足畏。須知此不以無解爲慮。乃以見戒俱破爲慮。觀下四種律儀頗云。縱有多智禪定現前。如不斷婬等。必落魔道。豈以無解爲邪乎。

二宣說三初讚德誠聽

○爾時世尊於大衆中。稱讚阿難。善哉善哉。如汝所問。安立道場救護衆生。末劫沉溺。汝今諦聽。當爲汝

撰述

二天無受旨

三正爲宣說三初舉三學顯戒律爲基

說○阿難大衆。唯然奉教○佛告阿難。汝常聞我。毘

奈耶中。宣說修行三決定義。所謂攝心爲戒。因戒生

定。因定發慧。是則名爲三無漏學。

溫陵曰。三藏之中。毘奈耶律藏也。此大小乘戒。通

禰也。小乘票法爲戒。麁治其末。大乘攝心爲戒。細

絕其本。法戒則無犯而已。心戒則無思犯也。夫能

攝心。則定由是生慧。由是發三者圓明。則諸漏永

盡。故名三無漏學。此下別示四重。則十戒之初。婬

殺盜妄四波羅夷爲根本重罪。所謂其心不婬。其

心不偷等者。皆使無思犯也。攝持軌則莫尚乎此。

天台曰。決定。準前釋亦二義。如來已斟酌決定。成
佛法門。三無漏學。缺一不可。而學佛者。決定須持。
故名三決。定義是以欲證菩提。須以攝心爲戒。而
爲之始。謂依奢摩他行。以持淨戒。下文所謂其心
尚不緣於色香味觸。一切魔事。何由得生。是也。如
是持戒。最爲殊勝。如經云。依因此戒。故能生諸禪。

標題

大藏書地圖卷六

定及滅苦智慧。故曰因戒生定。因定發慧。是則名爲三無漏學。譬如重樓三級。自下陞高。遠望憑虛。則上級爲勝。未有慕其上。而不先營其下者。學道亦然。戒定慧三階不躐等。人有尚慧學。而不修戒定。一何惑哉。溫陵師云。此下別示四重。則十戒之初。四波羅夷爲根本重罪。意以此經。大乘圓頓。所持之戒。應同梵網十重。故曰十戒之初。不知經雖圓頓。而所被之機。是聲聞像以戒爲初。正在乎此。若菩薩十重。則以殺戒爲之始。蓋菩薩以慈心及物爲首。殺則傷慈。故先制之。爲首。戒則害脫。故先制之。各有所爲。不當槩論也。

二約四重釋持犯損益二初微起

二解釋四初戒二初釋示持犯二初正

明二初宣示損益二初持則不隨生死

二犯則必落魔道

○阿難。云何攝心。我名爲戒。○若諸世界六道衆生。其心不攝。則不隨其生死相續。○汝修三昧。本出塵勞。

勞。傭心不除塵不可出。縱有多智禪定現前。如不斷傭。必落魔道。上品魔王中品魔民。下品魔女。彼等詔魔。亦有徒衆。各各自謂成無上道。

溫陵曰。衆生皆因傭欲。而正性命。故纏生死。若欲

愛乾枯則殘質不續矣。魔亦多智修禪爲不斷傭。

故不成聖道。帶傭修禪必落此類。孤山曰。犯四重

60

1 2 3 4 5 6 7 8 9

禁罪在地獄。今以修禪之功且落魔鬼等道。若約

未來輪轉則應備歷三途

天台曰云何攝心。我名爲戒先徵起也。良以制分輕重務有本末。若尋常人天及以小乘等戒。其所務者末故其所制者輕。非戒之輕以其能持但論身口。不言其心故也。今之所制不特制心無犯。且言攝心此正以定爲戒。即入流亡所旋元自歸能如是指。則其心不緣色香味觸故云攝心。蓋戒以防非止惡爲義。攝心爲戒。防莫大焉。苟微此戒焉能生定。三無漏學厥言有由也是以解釋四戒中必云其心不婬不殺等。則不隨其生死相續。正以投陰託胎始於一念故必以一念不生前後際斷方能不隨生死相續焉。如不斷婬必落魔道者論

婬爲欲界之根本卽人天善道鮮不由斯。今之犯婬何墮落如此之甚乎。要知此以二因緣故。反致墮落。一以福勝。有多智禪定故。一以見強廣行貪婬爲善知識故。因福勝故報宜生天。因見強故卒入魔道。此又見戒俱破之流類也。分三品者見雖相同。福有差等也。自謂成無上道者以多智禪定現前也。此又因聞理不諦見道不真未得謂得成增上悞失也。又見戒持犯有四句。一破戒不破見二破見不破戒三見戒俱不破四見戒俱破。如人既破戒已怖畏當來罪愆能生慚愧餓悔改革是破戒而不破見也。有人雖不破戒然不信因果不知罪福天堂地獄。一齊刻却是破見而不破戒也自有堅持禁戒如護明珠。又不昧因果深知罪福是見戒俱不破也。又有一等恣情飲敵肆志婬殺乃云圓頓大乘有何持犯。陽不畏于賢達陰不懼乎鬼神是見戒俱破也。破戒而不破見雖墮罪而尚有可原之理。破見而不破戒雖無罪而永無得道之期。若今之言大乘者則見戒俱破固捺落迦

撰述

校讎

之壽種菩薩荔多之堅物云何佛法大海居然宿此
死屍

一囑識滅後二初魔今異犯

○我滅度後末法之中多此魔民熾盛世間廣行貪
婬爲善知識令諸衆生落愛見坑失菩提路○汝教

世人修三摩地先斷心婬是名如來先佛世尊第一持

決定清淨明誨

溫陵曰諸經戒殺居首爲設化以慈悲爲本此經

二汝教堅

婬戒居首爲真修以離欲爲本蓋欲氣麤濁染汙

妙明欲習狂迷易失正受續生死喪真常莫甚於

此故須首戒而爲清淨第一明誨也觀阿難起教

示遭邪染而厥初發心先厭欲濁至於三漸次中。

一首懲然後身心妙圓獲大安隱十信初心由
欲愛乾枯而慧性圓明遂階等妙諸世間人由心

撰述

不流逸澄瑩生明漸乎六天。是故真修內攝必先離欲也。

天台曰末法之中多此魔民者正法既隱邪風方熾也。魔民有三類一者魔遣民屬以爲其種二者展轉化習以爲其民三者見戒俱破自充其屬熾盛世間廣行貪婬爲善知識者豈非懸鑒未然魔力強盛乎夫正法與邪法相反菩提路與愛見坑相違正法若行則菩提之路能竭愛欲之水邪法既熾則愛見之坑能斷菩提之路矣

○是小阿難若不斷婬修禪定者如蒸沙石欲其成

飯經百千劫只名熟沙何以故此非飯本沙石成故

汝以婬身求佛妙果縱得妙悟皆是婬根根本成婬

輪轉三途必不能出如來涅槃何路修證○必使婬

機身心俱斷斷性亦無於佛菩提斯可希冀○如我

此說名爲佛說不如此說卽波旬說

溫陵曰機者婬心所自發斷性不無觸機則發矣

波旬魔名

天台曰修禪如欲成其飯帶婬修禪如以沙石而爲飯本也。蓋凡成佛須得根本。根本若淨則枝流亦淨。四種律儀皆稱清淨明誨者以此。如米爲飯之本。以沙石爲之失其本矣。成佛以持戒爲本。婬身求佛失其本矣。婬之機在心。身斷而心不斷。如木偶人雖暫息。諸根其機不息。未足以爲真息。然機雖息矣。有斷性在。亦未足以爲真斷。闡機俱忘於佛苦提斯。

可希冀也

二殺戒一初辯示持犯二初正明二初宣示損益二初持則不隨生滅

○阿難又諸世界六道衆生其心不殺則不隨其生死相續○汝修三昧本出塵勞殺心不除塵不可出

二犯則必落神道

縱有多智禪定現前。如不斷殺必落神道。上品之人。

爲大力鬼中品則爲飛行夜叉諸鬼帥等。下品當爲地行羅刹。彼諸鬼神亦有徒衆。各各自謂成無上道。

○我滅度後末法之中多此鬼神熾盛世間自言食肉得菩提路○阿難我令比丘食五淨肉。此肉皆我

二燭滅後一初鬼令毀犯二初鬼神詛世

二如來苗顯二初顯正

神力化生本無命根。汝婆羅門地多蒸濕加以沙石。

草菜不生我以大悲神力所加。因大慈悲假名爲肉
汝得其味

孤山曰問諸律並明魚肉爲時食惟楞伽涅槃及
今經悉唱斷肉何邪。答說法被機事有頓漸定慧
旣爾戒律亦然。故梵網頓制對別圓機久斷食肉
但鹿苑以來毘尼漸制對藏通機故開三淨化道

將終則收漸歸頓於是三經俱唱斷肉楞伽且制
藏通菩薩此經則兼制三乘故下云清淨比丘及
諸菩薩不蹋生草等洎至涅槃更獨制聲聞殷勤
告示矣。問梵網戒中菩薩元制食肉何於楞伽方
等始言此後菩薩不得食肉邪。答藏通菩薩無別
戒律同稟二乘篇聚耳。故於楞伽及以今經例皆

撰述

唱斷也。五淨肉者律明三淨不見爲我殺不聞爲我殺不疑爲我殺。今言五者加自死鳥殘二也。涅槃九種淨肉卽於三淨各開正罪及前後方便也。構李曰淨肉又除人蛇象馬驢狗獅子豕猪獮狼十種之外。蓋此十種縱不見不聞而殺亦不可食也。溫陵曰不見不聞等爲五。神力所化本無命根。

名淨此乃小乘權宜若真慈真脫皆在所斷婆羅門淨行通欄也。西方四姓以婆羅門爲上故彼五天悉號婆羅門國僧亦號爲婆羅門也。

天台曰夫殺以心爲機身口爲緣機動而然後身口運爲故。斷殺而莫先於心故曰其心不殺則不隨其生死相續然雖機本於心而所爲者又在於身口。於心何益乎甚矣乎心君之爲罪也。莫大於殺業故致感報酌償先罪。屠割炮炙身心與之俱摧此所謂以無益而致大損者也。學佛道者可不戒諸如不斷殺必落神道者人死之後申者爲神屈者爲鬼。若合而言之神卽鬼也。共是一道故總標云神分品乃言其鬼第此四戒雖俱根本以墮

撰述

落爲言。不無輕重。如墮魔道殺墮鬼道盜墮妖
魅。豈非爲罪漸鄙而爲報轉微乎。至於妄語則永
殞善根。無復知見。況三苦海。此則不惟失如來種
而三惡道。又其禾居也。孤山谷響鈔。明涅槃九種
淨肉。謂於見聞疑各說三相。且見中三者。見謂牽
畜去時。乃至見彼持刀臨殺時。名前方便。見正殺
時。卽根本正罪。見殺已歡喜名後方便。不見此三
名爲淨肉。聞亦爾。疑中三者。初醫爾舉心名前方
便。分別思惟。疑爲已殺名根本正罪。疑已歡喜名
後方便。無此三疑。名爲淨肉。此而說淨者。如婆羅
門往穢國土食潰癱餅。以不淨爲淨。

二商那

○柰何如來滅度之後。食衆生肉。名爲釋子。汝等當
知是食肉人。縱得心開似三摩地。皆大羅刹。報終必

沉生死苦海。非佛弟子。如是之人。相殺相呑。相食未

二汝欲堅持

已云。何是人得出三界。○汝教世人修三摩地。次斷

殺生。是名如來先佛世尊。第二決定清淨明誨。○是

故阿難。若不斷殺修禪定者。譬如有人自塞其耳。高

聲大叫。求人不聞。此等名爲欲隱彌露。○清淨比丘

及諸菩薩。於岐路行。不蹋生草。況以手拔。云何大悲

頭二初犯障聖道二初正責毀犯

一舉持結過

二重

取諸衆生血肉充食

溫陵曰修禪避罪反乃行殺塞耳避人反乃高聲是欲隱彌露也。不故蹠不故拔仁慈之至猶及草

木況食衆生肉邪

天台曰草木雖無情以其有森然之生意在而學佛者尚以慈心及之而不蹠不攀不攀矧蠢動含靈其有佛性生生之氣凜然之不可撓者而必欲殺之乎。

二持獲解脫

○若諸比丘不服東方絲綿絹帛及是此土靴履裘

毳乳酪醍醐如是比丘於世真脫酬還宿債不遊三

界何以故服其身分皆爲彼緣如人食其地中百穀

足不離地必使身心於諸衆生若身身分身心二途

二結願邪正

不服不食我說是人真解脫者○如我此說名爲佛說不如此說卽波旬說

溫陵曰東方不無裘毳西土不無絲綿各以多分

言也酬還宿債不遊三界者上句當在下譯人語

倒也足不離地者劫初之人體有飛光足若御雲
由乎食地肥咱香稻故其體堅重而足不離地也
身血肉骨髓也身分喪毳乳酪也身服食心貪求
故曰二途必須并斷也

天台曰物理論云糧者黍稷之總名稻者梗糯之
總名菽者衆荳之總名三穀各二十合六十蔬果之實各二十合爲百穀

○阿難又復世界六道衆生其心不偷則不隨其生死相續○汝修三昧本出塵勞偷心不除塵不可出

縱有多智禪定現前如不斷偷必落邪道上品精靈
中品妖魅下品邪人諸魅所著彼等羣邪亦有徒衆
各自謂成無上道

溫陵曰不與而取皆爲偷盜分越所酬猶徵其剝

況乃盜取得無反徵。此所以生死相續也。邪道奸

欺故偷者必落其

二囑誠滅後。初邪徒亂正二初妖邪詐世。

○我滅度後末法之中。多此妖邪熾盛。世間潛匿奸

欺禦善知識。各自謂已得上人法。該惑無識。恐令失

二如來蘭題一初顯正斤邪二初顯正

心所過之處。其家耗散。○我教比丘循方乞食。令其

捨貪成菩提道諸比丘等。不自熟食。寄於殘生旅泊

二斤邪

三界示一往還去已無返。○云何賊人假我衣服。裨

販如來造種種業。皆言佛法却非出家具戒比丘爲

小乘道。由是疑誤無量衆生墮無間獄。

溫陵曰方法也。僧祇律云乞食謂之分衛。謂分施

衆僧衛護道力。肇法師云乞食略有四意。一爲福

利衆生。二爲折伏憍慢。三爲知身有苦。四爲除去

撰述

妙法蓮華經疏卷六

空

滯著。今經令其捨貪不自熟食卽除去滯著也。成菩提道卽衛護道力。福利衆生也。知身爲倘寄。知世爲旅泊無事畜藏無所顧戀皆所謂循方也。不能循方而貪饕造業是敗法毀則故號賊人。雖服佛之服而不淨活命是假我衣服裨附佛法以貪販利養而已。

重闡云。潛匿奸欺則懷偷賊之心。稱善知識則盜聖賢之名。若據各自謂已得上人法此則已是犯大妄語。今且用爲取財之緣耳。證真引十誦律。有六種盜心。謂苦切取。謂乞怜狀。輕慢取。有現威狀。以他名字取。謂我是善知識。突取。謂慢罵使伏已受寄取。謂昏昧他寄附。出息取。謂以錢責人之息者。五分律有四種。謂詔心。曲心。瞋心。恐怖心。四分律有十種。謂黑暗心。謂不知因果。邪心。謂不識正理。曲渙心。謂詔附。恐怖心。謂惟恐失之。常有盜他物心。旣言常有。則不問多寡。必欲盜耳。決定取。若以力強取。不問可否。寄物取。恐怖取。謂以言恐之。如談他地獄受報。据據之事而取財。見便取。謂伺其可取之便而盜之。倚託取。謂假借權勢。經云恐令失心。卽恐怖取失心。卽令前人失已正念。俱墮邪見。今謂此經潛匿奸欺等其言雖略。足以蔽諸。而偏指称善知識者。將非如來懸鑑末世。其徒實繁耶。持此經者當以自省。

校注

卷之六

二示滅罪法二勸行顯益

○若我滅後其有比丘發心決定修三摩提能於如來形像之前身然一燈燒一指節及於身上爇一香炷。我說是人無始宿債一時酬畢長揖世間永脫諸漏雖未卽明無上覺路是人於法已決定心○若不

二示爲致

爲此捨身微因縱成無爲必還生人酬其宿債如我馬麥正等無異

孤山曰益者取他依報資於己身今損正報以供上聖故能翻破無始益業溫陵曰一切難捨無過已身難捨能捨則自餘貪愛決能棄捨故曰是人於法已決定心苟能捨身而心不決捨則徒增業苦無益於道故下云必使身心一俱捐捨也佛爲宿詣比丘可食馬麥故證果後於毘蘭邑食之示

橫述

宿債必酬也

孤山曰盜者取他依報。資於己身。今損正報以供上聖是則燒身大教所開釋要云。有人問律制燒身得蘭燒指得吉此中讚燒其事如何。今爲荅之大小開制教法不同。小制結過大制令燒故梵網中。若不燒者非出家菩薩豈獨令俗而不制道故知順小易行不燒何難。從大誠難燒乃不易。世以不持爲大則小大俱領。手著胷曰揖酈食其初見沛公方以兩女洗足酈生長揖不拜。長揖謂似欲揖而去也。今云長揖世間亦取謝絕之意。馬麥緣出本起經。舍衛國隨蘭郡有婆羅門名阿耆達多。請佛與五百比丘三月供養時婆羅門爲天魔所惑耽著五欲退入後宮。其郡旣饑人不好道。佛與比丘各且分衛三日空還時有馬師減麥飯佛及比丘等。舍利弗問佛食麥之緣。佛告比丘吾昔於迦葉佛時爲婆羅門博通典籍教五百童子因王

設會請佛及僧有一比丘病不能赴。佛及大衆食已還時爲病比丘請食過梵志山。聞食香美便興嫉妒曰此髡頭沙門正應食馬麥。不應食此甘餌。之供諸童亦隨師言此等師主亦應食馬麥。佛告舍利弗爾時婆羅門則我身是五百童子。今五百羅漢是病比丘卽彌勒是以是因緣我與卿等經歷地獄無數千歲。今雖成道爾時殘緣故於毘盧邑食馬麥九十日也。然此但係口業招報不忘者如此何況竊盜而無宿報乎。

二汝教堅持

二重頭二初犯障正定

○汝教世人修三摩地後斷偷盜是名如來先佛世

尊第三決定清淨明誨○是故阿難若不斷偷修禪定者譬如有人水灌漏卮欲求其滿縱經塵劫終無

撰述

孝廣國王疏卷六

卷六

二持齋三昧

平復○若諸比丘衣鉢之餘分寸不畜。乞食餘分施餓衆生。於大集會合掌禮衆。有人搘罵同於穉讚必使身心二俱捐捨。身肉骨血與衆生共。不將如來不了義說。廻爲已解以誤初學。佛印是人得真三昧○

二結詎邪正

如我所說名爲佛說。不如此說卽波旬說

溫陵曰。衣鉢不畜。視毀如讚。此於利害一途。身心

俱捨也。身肉骨血與衆生共。則不私其身。不顧其

生。又捨之至也。行能至此。則其心不偷可知矣。阿

含穉所畜物可以資身進道。薩婆多論許百物各

可畜。一皆不了義也。

天台曰。准寶雲經云。凡乞食分爲四分。一分奉同梵行者。一分與窮乞人。一分與諸鬼神。一分自食。此取有與無行佛之道者也。又衣鉢之餘分寸不畜。捨貪也。乞食餘分施餓衆生捨慳也。於大集會合掌禮衆捨憍也。有人搘罵同於稱讚捨嗔也。然而自有身捨而心不捨。自有心捨而身不捨。皆非

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

卷之三

真捨。必使身心。二俱捐捨。方得名爲真捨也。又有捨財而不捨身。亦非真捨。要使財財俱捨。故曰。身肉骨血與衆生共。此則財施與心施並行。依報與正報俱捨。能用心如是。尚何盜戒之不能持哉。或問。依報易捨。正報難捐。無論今之出家者流。卽古之高僧。依正俱捨。能幾人乎。答曰。此論心而未必論身。若依正俱捨。固惟菩薩之能事。今但云與衆生共。何嘗必言其捨。正以高超之士。知身儻寄。非吾久有。能了一切地水。是我先身。一切火風。是我本體。原與衆生共者。而以之共。則慳貪之念。疎而切。益之情。弛矣。

四妄語戒二種辨示持犯二初正明二初宣示罪障三初標示

○阿難如是世界六道衆生雖則身心無殺盜淫婬。二行已圓。若大妄語。卽三摩地不得清淨。成愛見魔失

二頭相

如來種。○所謂未得謂得。未證言證。或求世間尊勝。第一。謂前人言我。今已得須陀洹果。斯陀含果。阿那含果。阿羅漢道。辟支佛乘。十地地前諸位菩薩。求彼禮懾。貪其供養。○是一顛迦消滅佛種。如人以刀斷多羅木。佛記是人永殞善根。無復知見。沉三苦海。不

三結過

成三昧

支那

卷之三

七

60

1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

撰述

校讎

溫陵曰。於四果十地未得謂得名大妄語。貪其供養求已尊勝名愛魔妄起邪。見謂已齊聖名見魔皆大妄也。一顛迦卽一闡提。貝多羅樹以刀斷則

不復活。喻大妄人永絕善根。三苦海者三途也。

二囑誡滅後二初那人亂正二初顯正二初造

○我滅度後勅諸菩薩及阿羅漢應身生彼末法之中。作種種形。又諸輪轉。或作沙門白衣居士人王宰

官童男童女如是乃至婦女寡婦奸偷屠販與其同

事。擯讀佛乘。令其身心入三摩地終不自言我真菩

薩真阿羅漢。泄佛密因輕言未學。○惟除命終陰有

遺付。○云何是人惑亂衆生成大妄語。○汝教世人

修三摩地後復斷除諸大妄語。是名如來先佛世尊

第四決定清淨明誨。○是故阿難若不斷其大妄語。

二斤邪

二開

二汝教堅持

二重頭二初明報招曲界

撰述

大藏經

者如刻人糞爲栴檀形欲求香氣無有是處我教比丘直心道場於四威儀一切行中尚無虛假云何自稱得上人法譬¹如窮人妄號帝王自取誅滅況復法王如何妄竊因地不真果招迂曲求佛菩提如噬臍人欲誰成就

溫陵曰我教比丘下牒未得謂得求已尊勝之事

而深責也淨名曰直心爲道場無虛假故四儀行住坐卧也左傳噬臍謂終莫能及也今之自稱得上人法者多矣宜以經言爲誠

天台曰如來密因其行有三。一自覺卽旋假入空流如從流以遡源。二覺他卽旋空出假如從源而出流三二覺圓滿則或出或入無適而非可今受佛勅應生世間正旋空以出假以同類化同類則化道易行略如淨藏淨眼淨德夫人而化妙莊嚴王是爲應生眷屬然雖轉彼邪心見佛出家終不宣言我真菩薩直至今佛方結會古今可見古人之慎佛密因而不輕言未學也惟除命終陰有遺付者如孤山師云非公灼惑衆但私示於人耳南嶽

楞透

楞嚴經疏卷六

之言鐵輪天台之示五品功德鑑之說偈真觀師之屈指卽其事焉然此猶言此生親證若文殊普賢之兩化爲寒山拾得戒師七娘方是應身生此末法也墮牘乃房相筆受此經時用左傳語而潤色之魯莊公六年楚文王伐申過鄧鄧祈侯曰吾甥也止而享之駢甥朋甥養甥請殺楚子鄧侯弗許三甥曰亡鄧國者必此人也若不早圖後君墮今亦取喻妄語能銷滅佛種後悔無及故曰欲誰成就

二頤持正覺

○若諸比丘心如直絃一切真實入三摩地永無魔事我印是人成就菩薩無上知覺○如我此說名爲佛說不如此說卽波旬說

二結顯邪正

溫陵曰向以迂曲故終莫成就此能絃直故印其成就也上明四重戒竟初標三學而終止四戒者定慧已備前文也

天台曰佛說四種律儀備明持犯損益意言持之則有益犯之則有損其勸諫之辭可謂諄諄懇切矣其持之之益總舉則因戒而生定因定而發慧以成三無漏學夫學至於三無漏則能事畢矣持之之益豈不大乎別舉則其益有六一者不續生死二者能出塵勞三者不落魔道四者裂愛見網五者得菩提路六者不還宿債其犯之之損總舉則不能成三無漏學別舉則其損亦六一者能續生死二者塵不可出三者必落魔道四者落愛見

撰述

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

坑五者失苦提路六者酬償宿債其持之之意則有十欲成佛道故遵明誨故成清淨行故慈與樂故悲拔苦故怖惡道故懼還宿債故皆具佛性故畏失菩提種故慮落愛見坑故是以能念此意則無戒而不持不念此意則無戒而不破然此四戒惟第四妄語其罪極重如明損益中前之三戒但云汝修三昧本出塵勞婦殺盜三心不除塵不可出至妄語戒乃云若大妄語卽三摩地不得清淨成愛見魔失如來種又云是十願迦消滅佛種蓋破前三戒如世間人犯奸婦殺人劫盜罪雖極重不過抵死於一身若犯謀反大逆則罪必至於覆宗滅族故後重顯結罪云云何自稱得上人法譬如窮人妄號帝王自取誅滅況復法王如何妄竊然而好犯此戒者不出兩意一者妄意高大而好爲人師故上竊聖賢之名以招徒屬之衆二者私欲無厭而好爲聚斂故內竊法王之號以來利養之豐經云求彼禮餚貪利供養一語而兩盡之矣嗚呼世人爲不急之謀以罹大罪莫甚於妄語學

佛道者宜慎之哉宜慎之哉又若推原四喻之意不外乎情理之間去取之當否如理之所當取者而取之情之所當去而去之兩者不失其正則佛道可成若復情理交戰於其中不特理不能勝情抑且以情害理矧復又有以情作理者則佛道何繇而成乎如初帶婬修禪喎之以蒸砂作飯飯固理也砂則情矣今欲蒸之以爲飯豈惟情理交攻亦乃以情作理此正喻修禪本期作佛因婬故而反落魔道彼等諸魔各各自謂成無上道正以熱砂而爲飯也又如修禪本期長揖三界以出生死今乃帶殺以修何異如人自塞其耳高聲大叫求人不聞乎夫隱而使人無聞固理也果能高棲遠遁人自不聞若求人不聞已自非理況又高聲大叫洩又自塞其耳愈非理矣故曰此等名爲欲隱彌露學道亦然求出世間固其理也而以帶殺修禪情理相闘而理爲情勝輪迴六道相殺相吞相食之不暇欲出而不能出是爲欲隱而彌露矣又如修禪本期滿足菩提今乃帶盜以修何異水灌

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

漏厄乎。夫以厄盛水。欲求其滿。固理也。乃鑿厄以漏之。不知水來雖復無限。而厄之漏去無窮。以無窮之漏。待無限之來。縱經塵劫。終無平復。學道亦然。理爲情奪。禪定之水無限。益罪之漏無窮。假使修之曠劫。祇益酬償先債。何能滿足菩提故日。終無平復。又如修禪。本期慧命不絕。增長五分法身。以紹法王之位。今乃帶妄以修。謂言登聖以誑嚇。前人濫膺恭敬。俾情奪於理。斷慧命。絕戒香。而自取乎求。頑善根。悔之無及。何異以刀斷多羅木。刻人蠶爲栴檀。又何異窮人妄號帝王。自取誅戮。如噬臍人。欲誰成就乎。四戒中惟妄戒之罪至大。故譬喻重沓苦口叮嚀者如此。

大佛頂如來密因修證了義諸菩薩萬行首楞嚴經

卷第六

嘉興府楞嚴寺經坊餘資刻此
疏卷六 順治七年孟春般若堂識



60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

十

十八